

# *DIPOTŠIŠO LE DIKARABO*

## *GO MOYA WO MOKGETHWA*

 Gomme morago ga bošego bja go feta bohole re no ba re tladišwe. Ke kwele dipego tše botse lehono tša ba bantši ba ba amogetšego Moya wo Mokgethwa. Gomme re thabetše seo.

<sup>2</sup> Thabile go ba le Ngwanešu Graham le ren a bošegong bjo, yo mongwe wa badirišane ba ren a fa go tšwa tabarenekeleng, modiša wa kereke ya bokgethwa godimo ka Utica. Le Ngwanešu Jackson, o be a le ka fa, bošegong bja go feta, ke a dumela go be go le, goba o morago fa ka go batheeletši felotsoko bjale, yo mongwe o rile, ka... Ee, ke bona Ngwanešu Jackson morago ka go batheeletši bjale. Le—le Ngwanešu Ruddell, a o gona bošegong bjo? Yoo ke yo mongwe wa badirišane ba ren a ntle fa go “62.” Re thakgetše go ba le bona ka gare. Gomme le wa ren a... Oo, Ngwanešu Pat, le bale bohole baena ba bangwe, re—le ka ntle ka go batheeletši. Re thabile go ba le lena bohole fa bošegong bjo.

<sup>3</sup> Bjale, ge nka lokafatša selo, ke tla tliša ba bangwe ba bona bareri ba bakaone godimo fa go bolela le lena, gobane ke makgwakgwa feela go tšwa go beng le nako ye kgolo bošego bja go feta.

<sup>4</sup> Bjale, mosadimogatša wa ka, ke mophošolli wa ka; le a tseba, baena, se ke naganago ka sona. O rile batho ka morago bošegong bja go feta ga se ba kgona go nkwa, gobane ke be ke bolelala ka go selo se. Gomme bjale, pele ke thoma, ke ya go leka se sengwe. Bjale, ke a makala ge eba go kaone. A seo se kaone moragorago ka morago? Goba se se kaone? A se se kaone? Bjale, hani, ke nako e tee ke nago moputso go go phala. Bjale, ba re seo se kaone. Go lokile. Oo, nna! Yoo ke mosadi. Yoo ke yo mokaone, gobane go bile nako ye telele ge e sa le ke ba le yo mongwe. Ka mehla o nepile.

<sup>5</sup> Gabotse, ka kgonthe re be re ne nako ya go iketla ka go tirelo tšela tša mašego a mararo; ke dirile. Gomme bjale, ditheipi, tšohle ntle le bošegong bja go feta... Ke biditše Ngwanešu Goad le go mmotša go tla go tšeа theipi bakeng sa tabarenekele. Eupša go diragetše go beng gore ke kwešišitše gore Billy Paul o bile le koloi ya gagwe gomme o ile, kafao theipi ga se e tšewe bokgole bjo ke tsebago. Kafao re hlokile yeo. Ke be ke ratile go e boloka ka kerekeng sebakeng sa kereke go—yo mongwe o re—se re se dumelago.

<sup>6</sup> Bjale, bošegong bjo ke ya go bolela ka *Khonferense ye Kgolo*, ge nka kgona go fetša dipotšišo ka nako. Gomme morago, gosasa mosong ke tirelo ya phodišo. Gomme re ya go rapelela balwetši.

Kagona, re ka se kgone go fa—goba go no ya le go re, “Bjale, ke ya go tsea wena, le wena, le wena.” Seo se ka se be gabotse. Eupsa re fa sehlopha sa dikarata, gomme felotsoko go bapa dikarata tšela, ke biletša di se kae mo sefaleng. Gomme gona, ge Moya wo Mokgethwa o thoma go utolla, gona O ya ntle go kgabola batheeletši le go tliša batho ntle ka go batheeletši bakeng sa tirelo ya phodišo. Gomme gona, gosasa mosong, ke tla be ke bolela, Morena ge a rata, feela pele ga tirelo ya phodišo.

<sup>7</sup> Ke bona mosadimogatša wa ka a sega. Hani, ga o kgone go nkwa le gannyane? Oo, o a nkwa. Gabotse, go kaone. O dula morago ka morago gomme ge go le—kgone go nkwa, o šikinya hlogo ya gagwe, “Wena... Kgone go go kwa, kgone go go kwa.”

<sup>8</sup> Kafao gona gosasa—gosasa bošego ke tirelo ya boebangedi le tirelo ya kolobetšo. Gomme gona, ka pela ge ke fetša go rera gosasa bošego, re tla gogela digaretene morago gomme ra ba le kolobetšo ya meetse fa gosasa bošego. Ge Morena a rata, ge Morena a rata, mo mosong ke nyaka—goba gosasa bošego ke nyaka go bolela ka sehlogo: *Le—Le Leswao Le Filwe*. Gomme gona, ge eba re fa Laboraro bošego, ge Morena a ntumelela go ba fa Laboraro bošego, Ke nyaka go bolela ka sehlogo: *Re Bone Naledi Ya Gagwe ka Bohlabela gomme Re Ttile go Mo Khunamela*. Bjale, yeo e no ba bošego pele ga Kresemose.

<sup>9</sup> Gomme gona, ka pelapela ka morago ga Kresemose ke beke ya maikhutšo a Kresemose. Fao ke moo re tšeago mangwalo ohle... Ngwanešu Mercier le bona gantši ba a ntšha ohle. Gomme re a bea ohle ntle, gomme re rapelela mangwalo ale le go kgopela Morena go re hlahla go dikaekae go kgabola lefase le re tla bego re eya.

<sup>10</sup> Bjale, bona ke, Christian Business Men, ba ne molokoloko o mogolo, ke go ba ka Florida go tloga bjale bakeng sa khonferense ya bona. Go ya go tloga fale go ya Kingston, morago godimo go ya Haiti, le go theogela Puerto Rico, ka go Amerika Borwa, morago godimo go kgabola Mexico.

<sup>11</sup> Eupsa Morena o bonala go ntlhahlela Norway. Ga ke tsebe gobaneng. Le tseba puku ye nnyane e bitšwago *Monna A Ronngwego Go Tšwa Go Modimo?* Ke phatlalatšo ye kgolokgolo ya bodumedi ka Norway. Naganang ka yona, se Morena a se dirilego fale. Gomme ge ke be ke le fale, ga se ba ke ba ntumelela go bea diatla go balwetši. Ke bile fale lebakla la mašego a mararo. Gomme ga se ba ntumelela go bea diatla go balwetši. Kafao le bona se Modimo a ka go se dira. Lešaba le be le le legolo kudu ba ile ba swanelia go tsea maphodisa a nametšego, dipere, le go gapa batho go tloga mekgotheng gore ke kgone go fihla lefelong. Gomme ga se ke bee diatla go balwetši. Ke ba rapeletše go le bjale; ka ba dira ba beane diatla seng.

<sup>12</sup> Kafao... [Yo mongwe o bolela le Ngwanešu Branham—Mor.] Ya, ka kgonthe ke tla, gona. Bjale, gosasa mosong... Bjale,

bosegong bjo, mohlomongwe re tla no tsena go dipotšišo tše, gobane re ne tše dingwe tše kaone ka kgonthe. Gomme ga ke tsebe Morena o tla re bea go yona botelele gakaakang. Gomme gona, gosasa mosong e ka ba Billy Paul, Gene, goba Leo, o tee, o tla ba fa go fa ntle dikarata tša thapelo ka seswai go fihla seripagare sa seswai. Bjale, batho go tšwa ka ntle ga toropo, anke ke e dire godimo gape gore le se lebale. Ge le ka rata go tla ka mothalong, bokaone re ka ba le batho ba go tšwa ka ntle ga toropo ge go kgonega.

<sup>13</sup> Bjale, dinako tše dingwe fa ka kerekeng re fihla lefelong moo ba rego, “Gabotse . . .” Re ba le batho ba go tšwa ka ntle ga toropo, go ba tliša godimo . . . Yo mongwe o tla re, “Gabotse, ga ke tsebe bothata e be e le eng ka bona. Ba ka no be ba bolela se sengwe sa phošo.” Gona o tliša batho ka toropong; ba re, “Oo, o ka no be o ba tsebile.” Kafao . . . Gona ba re—go boletšwe, “Gabotse, ke a go botša, ke dikarata tša thapelo.” Gabotse, go reng ka bona bao ba se nago dikarata tša thapelo. Gomme go bile letšatši morago ga letšatši ge go . . .

Ba tla reng? [Ngwanešu Branham o kgopelwa go emela morago go tloga go segodišantšu—Mor.] Emela morago go tloga go segodišantšu? Gabotse, le a tseba, ka mehla ke rera bogare bja tsela. Kafao mohlomongwe ke tla no e tše ka mokgwa woo. A yeo e kaone? Yeo e kaone. Yeo e lokile. Ke tla le botša se e lego. Tshepedišo ya rena—ya rena ya setšhaba e fokola kudu fa, e fokola kudu. Gomme ga re leke go ba bokaone bofe bjale, gobane re nyaka tabarenekele ye mpsha e agwa bjalebjale. Gomme gona re tla ba le sekgoba se sentši (le a bona?), ge re ka tla tikologong fa le go phurullela lefelo le ntle bogolo gannyane, le go bea godimo mafelo a mangwe gape, le go ba komana bakeng sa dikopano ge re ne tšona fa.

<sup>14</sup> Gomme bjale, elelwang, mo mosong bašemane, yo motee goba ba bararo ba bona ba tla fa dikarata magareng ga seswai masometharo, goba, seswai le seswai masometharo. Seo se fa sebaka go yo mongwe le yo mongwe go dula go iketla. Gomme ke be ke bolela ka ga ka fao ba fago dikarata, gabaneng re e dira. Ke go boloka lenaneo. Le a bona? Bjale, go ka reng ge nka tla ka fa, feela boka gonabjale gomme ka re, “Anke mosadi *yo*, mosadi *yo*, le monna *yola*, le mosadi *yo* . . .?” Le a bona, seo se ka tla mohuta—seo se tla ba mohuta wo thata. Le a bona? Gomme gona, ge o . . . Makga a mantši ke dirile se. Gomme ge eba ba se ba bantši mo mosong, nka no dira selo sa go swana. Ke tla re, “Ke batho ba bakae fa ba tšwago ka ntle ga toropokgolo bao ba nago se sengwe sa phošo ka lena, emelelang.”

<sup>15</sup> Ngwanešu Mercier, o tla go ntlhatlola. O ya go nthuša? [Ngwanešu Mercier o a araba—Mor.] Oo, o tla . . . O tla go itlhatlola yenamong. Ke boletše le kgarebe ya gago lehono. Bjale, bokaone o be gabotse ka kgonthe go nna. O a bona? Go lokile. Yeo e lokile. Ke—ke rata sebete seo Ngwanešu Leo. Ge go sa loka, a

re—a re e lokišeng ka fao re tsebago go e dira, bokaonekaone bjoo re kgonago.

<sup>16</sup> Kafao bjale gona, ke no kgopela batho go tšwa ka ntle ga toropo go phagamiša diatla tša bona bao ba nago le se sengwe sa phošo ka bona. Gomme gona nno emang fale, ineele go motho o tee go fihla Moya wo Mokgethwa o thomiša, le go tšea batheeletši ka moka. Ke ba bakae ba bilego fa ge ba bone seo se dirwa ka fa? Kgonthe! Le a bona, le a bona? Kafao ga go kgathale ke tsela efe go lego. Go no . . .

<sup>17</sup> Ke nyaka le elelwe se, gomme ke tla leka go ya godimo ga yona mo mosong gape. Bantle, Ebangedi yeo e filwego go bona ke Ebangedi ya tumelo, e sego mediro le gatee. Le a bona? Gomme boka ke boletše bošegong bja go feta. Ge Moya wo Mokgethwa o wele ka Pentecost, ge ba ile ntle go Bajuda (Ditiro 19:5), ba ile ba swanela go Bea diatla go bona gore ba O amogelete. Gomme ge ba ile tlase go Basamaria, ba ile ba swanela go Bea diatla go bona. Eupša ge ba etla go Bantle ngwakong wa Koronelio, “Ge Petro a sa bolela mantšu a . . .” Ga go go bewa ga diatla.

<sup>18</sup> Ge mosetsana yo monnyane a hwile, morwedi wa Jairo, moprista, o rile, “Etla o mmee diatla, gomme o tla phela.” Eupša ge molaolalekgolo wa Moroma, Montle, o rile, “Ga ka swanelwa O tle ka tlase ga tlhaka ya ka, bolela lentšu.” Yeo ke yona. Le a bona?

<sup>19</sup> Mosadi wa Moserefonisia, Mogerike gabotse ke se a bego a le sona, ge a—ge Jesu a rile go yena, o rile, “Ga se gwa swanela go Nna go tšea borotho bja bana gomme ka bo fa dimpša.”

O rile, “Yeo ke therešo, Morena; eupša dimpša ka tlase ga tafola di ja marathana a bana.”

O rile, “Bakeng sa polelo ye, diabolo o tlogetše morwedi wa gago.” Bolela dilo tše botse gona. Bolela se sengwe se sebotse ka yo mongwe. Bolela ka Jesu. Bolela se sengwe sa go botega, se sengwe sa kgonthe. Yeo ke tsela go raka bodiabolo. Ga se nke A re—ga se nke A rapelela mosetsana. Ga se nke A bolela selo se tee ka ga gagwe a fodile; O nno re, “Bakeng sa polelo ye, bakeng sa polelo ye . . .”

<sup>20</sup> Hattie Wright, letšatši le lengwe, ga se a kgopele selo. O be a nno dula fale, eupša o boletše selo sa maleba, se se thabišitšego Moya wo Mokgethwa. Gomme Moya wo Mokgethwa o boletše morago gomme o rile, “Hattie, kgopela e ka ba eng o e ratago, e ka ba eng o nago gomme o e nyakago. Hwetša ge eba ye ke kgonthe goba aowa. Kgopela e ka ba eng (pholo ya samme wa gagwe yo monnyane a golofetšego a dutše fale a hunyapanè; dikete tše lesome tša ditolara go mo tloša go epeng go tšona dithaba godimo fale; bofsa bo bušeditšwe go mmele wa gagwe wa go tintega); e ka ba eng o nyakago go e kgopela, o a e kgopela gonabjale. Ge O sa tle le go e fa go wena gonabjale, gona ke nna moprofeta wa maaka.” Seo ke—seo ke se seo ke se sengwe, a ga se sona?

<sup>21</sup> Jesu o rile, “E re go thaba ye . . .” Gomme le kwele—ka ga se se diregilego; bjoo ke bodiredi bjo re tsenago ka go bjona. Re godimodimo tseleng bjale. Go se neng go Tla ga Morena Jesu. Gomme re swanetše go ba le tumelo ka Kerekeng yeo e ka go fetolwa ka nakwana ka panya ya leihlo go ya ntle, goba re ka se ye. Eupša se tshwenyegeng, e tla ba gona. E tla ba gona. Gomme ge maatla a kereke *ye* a tsoga, a tla tliša baena ba yona; maatla a kereke *yela* a tsoga, a tla tliša baena ba yona; maatla a kereke *yela* a tla tliša baena ba bangwe; morago go tla ba tsogo ya kakaretšo. Gomme re lebeletše pele go yona.

<sup>22</sup> Bjale, le se lebale, dikarata tša thapelo mo mosong ka iri ya seswai go fihlela ka seswai masometharo. Morago ke ba botšiša e ka ba eng e bego e le ka gare, gona ba no lesa go fa ntle dikarata, le go ya morago, le go dula fase (le a bona?), gobane ba tla ba le tšona di filwe ntle tšohle mohlomongwe ka nako yeo go le bjalo, goba bontši bjalo ka ge re tla goga go tšwa fale felotsoko. Bašemane ba tla tla godimo, ba hlakahlakanya dikarata thwi pele ga lena, gona ge o nyaka e tee, o nyaka e tee, goba e ka ba eng gape boka yeo . . . Morago ge ke tsena, ke tla no . . . E ka ba kae Morena a bitšago go tloga gona . . . Gomme ge eba A rile, “Se bitše yeo,” nka se ba bitše le gannyane (le a bona?), feela e ka ba eng e lego.

<sup>23</sup> Gomme ke . . . Bodiredi bjoo bo no nyakile bo nyamalala; go ne se sengwe bogolwane go tla ka gare. Elelwang, ke moo nako le nako e boletšwego go kgabaganya sefala se goba go kgabaganya phuluphithe ye, gomme ga se nke ya ke ya šitwa. Le elelwang bodiredi ka ga seatla? Le bona se bo se dirilego? Dikgopololo tša pelo, le bona se bo se dirilego? Bjale šetšang bjo: bolela Lentšu, gomme o bone se Le se dirago. Le a bona? Ke le buditše fa mengwaga ya go feta—kereke (ke bolela le tabarenakele)—mengwaga ya go feta mengwaga ye meraro goba ye mene e fetilego, se sengwe se be se lokela go bonagala; se lokela go diragala. Gomme sese bjale se phulega thwi ka go . . . Se a ipopa sonamong. Bjale, re leboga seo. Oo, re leboga gakaakang. Feel a go thakgala kudu.

<sup>24</sup> Bjale, re ne dipotšišo tše rilego tše thata kudu fa, gomme re nyaka go tla go tšona thwi. Yo mongwe o lebeletše dipuku tšohle tše ke bego ke di swere. Ke rile, “Gabotse, monna wa setswerere o hloka feela e tee.” Eupša ga ke monna wa setswerere. Ke ne bontši bja tšona go di hlodimela. Gabotse, ye ke Diaglott, gomme ye ke Beibebe, gomme ye ke tšupane. Kafao ke . . . Re no ya go kgopela Morena go re thuša le go re hlahlha go arabu dipotšišo tše feela go ya ka thato Kgethwa ya Gagwe le Lentšu la Gagwe.

<sup>25</sup> Kafao bjale, a re inamišeng dihlogo tša rena feela bakeng sa thapelo. Morena, re Go thabetše kudu go tšwa go ona matebo a pelo ya rena bakeng sa se O re diretšego mo mašegong a mararo a a go feta. Oo, go bona badiredi morago fale ka kamoreng gomme ba šikinya diatla, le tumelo e mpshafaditšwego, le—le kgato e

mpsha go e tšea. Go letšeng mogaleng . . . Gomme dipelo tša rena di hlalala, le batho ba amogela Moya wo Mokgethwa ka morago ga ge ba bile—ba bone Lentšu la Gago, ka fao O re botšago tlwa kgato ka kgato re amogele Moya wo Mokgethwa wa Gago bjang. Re thabetše seo gagolo, Morena.

<sup>26</sup> O dira dilo bonolo kudu go rena, gobane re batho ba bonolo. Gomme re a rapela, Modimo, gore—gore o tla re dumelela ka go felelela go itira renabeng ba bonolo ka mehla. Gobane ke . . . Ke mohuta woo o ikokobetšago yenamong o tla godišwa. Gomme bohlale bja lefase ke botlaela go Modimo; seo se thabišitše Modimo ka botlaela bja go therō go phološa bona ba ba lahlegilego.

<sup>27</sup> Gomme bjale, Tate, šedi fa ka go nna dipotšišo tše mmalwa tše di botšišitšwego go tšwa dipelong tše di hlokofetšego tše di tshwenyegilego. Gomme e tee ya tšona e arabilwego ka phošo e ka lahlela motho tseleng ya go fošagala, go lahlela seetša sa phošo go potšišo ya bona yeo e ba tshwenyago. Kafao Morena Modimo, ke rapela gore Moya wo Mokgethwa wa Gago o tla sepela godimo ga rena le go utolla dilo tše, gobane go ngwadilwe ka Mangwalong, “Kgopelang gomme le tla amogela; gomme nyakang gomme le tla hwetsa; kokotang gomme le tla bulelwa.” Gomme ke seo re se dirago bjale, Morena, re kokota mojakong wa Gago wa kgaogelo. Re eme morithing wa toko Kgethwa ya Gago, re opaopa bakeng sa Madi a Kriste wa Modimo le bakeng sa Moya wo Mokgethwa.

<sup>28</sup> Gomme ga re tle bošegong bjo feela ka lebaka la gore re tlogile go matšatši ale a mararo a go rera ka Moya wo Mokgethwa, re tla ka tlhomphokgolo e tebilego le bohlomogi. Re tla moo o ka re bjo ke bošego bja mafelelo re tla ke go ra ba lefaseng. Re tla re dumela gore O tla araba dithapelo tša rena. Gomme Morena, re a Go kgopela bjale go re kgotsofatša ka Bophelo bjo Bosafelego bja Gago. Gomme go arabeng Lentšu la Gago, anke Moya wo Mokgethwa . . . Oo Modimo, ge re hweditše gore ke Wenamong magareng ga rena, re rapela gore O tla re utollela bošegong bjo dilo tše re di hlologelago. Gomme re hlologetše feela gore disoulo tša rena nke di be go khutšeng, le menagano ya rena e be khutšong, le go beng le tumelo go Modimo go sepelela pele go tleleima ditšhegofatšo tše A di tshepišitšego. Re kgopela se ka Leina la Jesu. Amene.

<sup>29</sup> Bjale, ke swere dipotšišo ka moka tše ke di filwego, ntle le e tee. Gomme ke arabile Ngwanešu Martin yo monnyane yo a mpotšišitšego potšišo bošego pele ga bja go feta, feela e tee. Go be bile le tše dintši fa bošegong bja go feta, eupša e be e le kgopelo ya thapelo. Gomme Ngwanešu Mann o mpotšišitše potšišo ka ga Johane 3:16—goba Johane 3, ke a dumela, ka ga, “Ntle le ge motho a tswalwa ka meetse le ka Moya, a ka se kgone go bona Mmušo,” le go e bapetša le theipi yeo ke e rometšego ntle ka ga Bahebere. Gomme ke kopane le yena ka kamoreng ya ka morago

fa bosegong bja go feta, gomme—pele ke hwetša sebaka go mo araba, gomme morago ke dirile fale, ka ga sehlogo.

<sup>30</sup> Bjale, a go ne e ka ba ofe fa yoo a bego a se go bosegong bja go feta? A re boneng diatla tša lena, bao ba bego ba se go bosegong bja go feta. Oo, rena, kgonthe re dumile nkabe le bile le rena. Re bile le nako ye bjalo ya letago. Moya wo Mokgethwa . . .

<sup>31</sup> Nka no, feela sebaka sa motsots . . . Go ka se gobatše. Wo o gatišitšwe. Gomme ge modiredi e ka ba ofe a ka direga go—goba motho yoo a diregago go ganetša go se ke lokelago go se bolela bjale, goba ebile ka go dipotšišo, ke a kgopela, ngwanešu, gore o se e nagane go ba e šele, eupša gore—elelwa gore theipi ye e dirwa ka tabarenekeleng ya rena fa. Re ruta batho ba rena. Badiredi ba bantši ba ditumelo tša go fapania ba dutše tikologong. Gomme ke tla rata go ya ka go sehlogo gape, ka gore go ne batho ba bangwe ba rena bao ba sa kgonago go tsena bosegong bja go feta bao ke bonago ba le ka gare bosegong bjo. Gomme ke tla rata go ya go kgabola feela nakwana, ge le ka e dumelela, godimo ga se ke se boletšego mantšiboeng a go feta; gomme seo se be se le godimo ga Pentecost, godimo ga go amogela Moya wo Mokgethwa.

Bjale, go baleng *Emphatic Diaglott* ya phetolelo ya Segerike, moo ke bego ke le mantšiboeng a go feta, ye e letšego e butšwe pele ga ka bjale. Yeo ke phetolelo ya setlogo go tšwa go Segerike go ya go Seisemane. Ga e ye go kgabola diphetolelo tše dingwe, yona ke—le dibešene tše dingwe, e thwi ka go otlologa go tloga go Segerike go ya go Seisemane. Bjale, mantšu a Seisemane, makga a mantši a ne ditlhalošo tše bjalo go ona, tše bjalo bjalo ka ge ke tla bolela bjale, *pote*. Tšeang lentšu lela *pote*. O tla re, “Gabotse, o ra gore re be re mo *pora*.” Aowa! “Oo, o—o lefile *pote* ya gagwe.” Aowa! Gabotse, o . . . “Ke *pote* ka lehlakoreng le lengwe la ntlo.” Gabotse, le a bona? Goba e ka ba efe ya tšela . . . Go ne mantšu a mane goba a mahlano a go fapania a ka dirišwago; o swanetše go hwetša lefoko. Lentšu *Bona*. *Bona* go ra “go kwešiša,” ka Seisemane. *Lewatle* le ra “meetse a magolo.” *Bona* e ra “go lebelela.” Le a bona? Eupša go diphetolelo tše, lentšu fa le šomištšwego, leo ke boletšego ka lona bosegong bja go feta ka go Ditiro tema ya 2, moo e rego, “Maleme a mollo a dutše godimo ga bona . . .” Bjale, ke tla no rata go ya morago feela nakwana. A le ka rata go, feela nakwana, le mohuta wa go e swayaswaya lebaka la nakwana pele re eya bokgole e ka ba bofe?

<sup>32</sup> Bjale, phetlang, lena ka go King James ya lena goba phetolelo e ka ba efe le balago go tšwa go yona . . . Gomme ke nyaka go e bala. Gomme theetsang sekgauswi ka kgonthe bjale. Le se kwišišetšeng thoko. Ba bantši lehono, ebile le kgaetšedi wa ka, ba bantši ba bona ba leditše, ba rile . . . Mdi. Morgan . . . Ba bantši ba bona ba be ba le ka gare mantšiboa a go feta. Mdi. Morgan ke yo mongwe wa dikgaetšedi tša rena ba bego ba hlobogilwe; gomme o be a le lenaneong la bahu ka Louisville lebaka la

lesometshela, mengwaga ye lesomešupa ya go feta ka kankere. Ke a nagana o dutše morago fa gape bošegong bjo. O be a sa kgone go kwa, o rile, gobane ke be ke bolelala thwi ka go segodišantšu. Gomme sebakeng sa bona ke nyaka go ya godimo ga se lebaka la nakwana.

<sup>33</sup> Bjale, ke bala go tšwa Lengwalong le la Ditiro 2:

...ge letšatši la Pentecost le tlide ka botlalo, ba be bohle ba le ka go go tee monagano... (Bjale, ke rata leo bokaonana go feta mmero o tee: gobane le ka kgona go ba mmero o tee godimo ga bontši taba e ka ba efe, eupša fa menagano ya bona e be e swana.)...monagano o tee le ka lefelong la go swana.

*Gomme ka pelapela go tlide modumo go tšwa legodimong boka phefo ye bogale ya go kitima, gomme ya tlala... ntlo ka moka moo ba bego ba dutše.* (Ba sa kwatama, ba sa rapele, eupša ba dutše.)...

...Aroganywa maleme... (M-a-l-e-m-e maleme. “Aroganywa” go ra, “arogantšwa.”)... Maleme... a bonagetše go bona... boka... mollo, gomme o tee... (“Tee,” botee)... dutše godimo ga mongwe le mongwe o tee wa bona.

*Gomme ba tladitšwe bohle... (“Gomme,” lekopanyi)... bohle ba tladitšwe ka wo Mokgethwa Moya, gomme ba thoma go bolela ka maleme a mangwe, bjalo ka ge Moya o ba file go bolela.*

*Bjale go be go dutše ka Jerusalema Bajuda, banna ba go ikgafa, go tšwa setšhabeng se sengwe le se sengwe ka tlase ga legodimo.*

...ge se se be... gomme pego ye go beng e phatlaladitšwe, mašaba a tlide mmogo, gomme ba ile ba tlabega, gobane... yo mongwe le yo mongwe o tee o kwele... a bolela ka polelo ya gagwe mong.

<sup>34</sup> Bjale hlokamelang! Ge mollo o tlide, e be e le maleme; ge ba be ba bolela, e be e le polelo. Bjale, go ne phapano ye kgolo magareng ga maleme le dipolelo. Go rena go a swana gohle. Eupša, ka Segerike, “leleme” le ra se. [Ngwanešu Branham o a laetša—Mor.] Tsebe ke se. Le a bona? Seo ga se re polelo; se ra karolo ya mmele yeo e lego leleme. Ge le ka hlokomela, e fetoletswe maleme a mollo go rago “boka maleme,” feela boka tlhase ya mollo, kgabo ye telele ya mollo. Bjale, šetšang kgatelelo bjale. Gomme le lengwe le le lengwe la mafelo ale bjale, le se e lebale.

<sup>35</sup> Bjale, re ya go fa tiragatšo ye nnyane bošegong bjo. Ke ya go e tlogelela lena. Bjale elelwang, ge e ka ba eng e le kgahlanong, seo se go wena. Eupša tsela e nnoši yeo motho e ka ba ofe a ka

tsogego a hwetša e ka ba eng go tšwa go Modimo ke ka tumelo. Gomme pele o ka . . .

<sup>36</sup> Ke swanetše go tseba seo ke se dirago pele nka ba le tumelo go se ke se dirago. Gobaneng o ka nyala mosadimogatša wa gago? O bile le tumelo go yena. O be o mo lekile, o mo šeditše, o bone se a tšwago go sona, o be a le mang. Yeo ke tsela ka Lengwalo, ka Modimo. Seo ke se se dirago dipono tše, pi—Pilara ya Mollo ye, dilo tše tšohle, gobane Modimo o e tshepišitše. Modimo o boletše bjalo. Ke Mo lekile ka Lentšu la Gagwe gomme ke tseba gore Lona ke Therešo. Gomme le latela Lentšu la Gagwe. Gona ge go ne tlhakatlhakano ye nnyane felotsoko, gona go ne se sengwe sa phošo felotsoko. Gobane Modimo (theetsang!)—Modimo ga se nke a ke goba a ka se tsoge a šoma ya Gagwe mong—goba kgahlanong le melao ya Gagwe mong. Marega a ka se tle selemo, le selemo se ka se tle marega. Matlakala a ka se we ka seruthwane gomme a tla gape ka lehlabula. O no se kgone go e dira.

<sup>37</sup> Bjalo ka ge ke boletše bošegong bja go feta ka ga sediba sa tlhago, go nošetša sebjalo sa gago. Goba ge eba o eme fa ka gare ga tšhemmo, gomme le boso bja leswiswi, gomme o re, “Oo, mohlagase o mogolo, ke a tseba o gona ka tšhemong. Bjale, ke lahlegile, ga ke tsebe mo ke yago. Efa seetša, gore ke kgone go bona ke sepele bjang! Go ne mohlagase wa go lekanelo go bonega tšhemmo.” Yeo ke therešo. Ee, mohlomphegi! Go ne mohlagase wa go lekanelo ka kamoreng ye go e bonega ebile ntle le ona mabone, ntle le ao. Eupša o swanetše go e buša. Bjale, o ka goeletša go woo go fihlela o se sa goeletša gape, go ka se tsoge gwa bonega. Eupša ge o ka šoma go ya ka melao ya mohlagase, gona o tla hwetša seetša.

<sup>38</sup> Gabotse, yeo ke tsela ya go swana e lego ka Modimo. Modimo ke Mohlodí yo mogolo wa magodimo le lefase, wa go swana maabane, lehono, le neng le neng. O sa le Modimo. Eupša O tla no šoma bjalo ka ge o latela melao le ditaelo tša Gagwe. Bagwera, ke bolela se: ga se nke ka tsoge ke bone e šitwa, gomme e ka se ke.

<sup>39</sup> Bjale, a re hlokameleng Jesu ka go Luka 24:49 o be a romile baapostola ka morago ga ge ba pholosítšwe le go hlwekišwa go ya ka Lentšu; ba lokafaditšwe ka go dumeleng Morena Jesu; ba hlwekišitšwe go Johane 17:17 ge Jesu a rile, “Ba hlwekiše, Tate, ka Therešo. Lentšu la Gago ke Therešo.” Gomme O be a le Lentšu.

<sup>40</sup> Bjale, o ba file maatla go fodiša balwetši, go lelekela bodiabolo ntle, go tsoša bahu; gomme ba tla morago ba hlalala. Gomme maina a bona a be a ngwadilwe go Puku ya Bophelo ya Kwana. Le elelwa ka fao re bilego go kgabola yeo bjale. Eupša ba be ba sešo ba sokologa. Jesu o boditše Petro bošego bja papolo ya Gagwe; O rile, “Ka morago ga ge o sokologile, gona tiišetša baena ba gago.”

<sup>41</sup> Moya wo Mokgethwa ke se... O dumela go Bophelo bjo Bosafelego, eupša ge Moya wo Mokgethwa o etla Ke Bophelo bjo Bosafelego. O dumela go... O belegwe ke Moya mo tlhwekišong, eupša ga se o tsoge wa tswalwa ke Moya go fihlela Moya wo Mokgethwa o etla ka gare. Yeo ke go rereša. Lesea le ne bophelo ka popelong ya mme, digoba tše dinnyane di a roromela; ke bophelo. Eupša ke bophelo bja go fapanā ge le hema mohemo wa bophelo ka dinkong tša lona. Go a fapanā. Seo ke se se lego, ke...

<sup>42</sup> Ngwanešu morategi wa ka wa Methodist, le Pilgrim Holiness, le Nazarene, kolobetšo ya Moya wo Mokgethwa e fapanā le tlhwekišo. Tlhwekišo ke go hlwekiša, e lego tokišetšo ya Bophelo. Eupša ge Moya wo Mokgethwa o etla, Ke Bophelo. Tokišetšo ke go hlwekiša sebjana; Moya wo Mokgethwa ke go tlatša sebjana. *Tlhwekišo* e ra “go hlwekišwa le go beelwa thoko bakeng sa tirelo.” Moya wo Mokgethwa ke go se bea ka tirelong. O sebjana seo Modimo a se hlwekišitšego.

<sup>43</sup> Gomme re hwetša Moya wo Mokgethwa ke Modimo Yenamong ka go wena. Modimo o be a le ka godimo ga lena ka go Pilara ya Mollo ka Moshe. Modimo o be a le le lena ka go Jesu Kriste. Bjale Modimo o ka go lena ka Moya wo Mokgethwa. E sego badimo ba bararo, Modimo o tee a šoma diofising tše tharo.

<sup>44</sup> Modimo a ipoetša, a theoga go tloga ka godimo ga motho. O be a ka se kgone go Mo kgwatha, gobane o be a dirile sebe ka serapeng sa Edene gomme a ikarogantše yenamong go tloga go kopanelo ya Gagwe. Morago go diregileng? O be a swanetše go ba ka godimo ga gagwe. Madi a dipoo le dipudi a be a ka se Mo dire go kopanelo le motho gape; eupša ka melao le metheo, go swantshapele nako ye e tlogo ye, ya go neela ka dipoo, le go ya pele, le dinku... Gona ge Modimo a theogile gomme a dutše ka mmeleng wo o hlwekišitšwego, wa go tswalwa kgarebe ke mosadi, woo Modimo Yenamong... Le tseba se Modimo a se dirilego? Ga se A—A dire selo eupša feela... O beile Tente ya Gagwe magareng ga rena. Modimo o dutše ka Tenteng e bitšwago Jesu Kriste. O nno hloma Tente ya Gagwe le rena, a ba... (Ke tla—rera go seo mo mosong, kafao bokaone ke e tlogele e nnoši.) Bjale, yeo—ka fao Modimo a tent-goba a dutšego le rena...

<sup>45</sup> Gomme bjale Modimo o ka go rena. Jesu o rile ka go Johane 14, “Mo letšatšing leo le tla tseba gore Ke ka go Tate, Tate o ka go Nna, gomme Nna ka go lena, gomme lena ka go Nna.” Modimo ka go rena. Morero e be e le eng? Go hlagiša peakanyo ya Gagwe.

<sup>46</sup> Modimo o bile le peakanyo. O nyakile go šoma magareng ga motho, gomme O e tlišitše ka go Pilara ya Mollo, e bego e le Mollo wa semaka woo o lekeletšego godimo ga bana ba Israele. Morago Mollo wola wa go swana o dirilwe go bonagatšwa ka mmeleng wa Jesu. Gomme O rile O be a le Mollo wola, “Pele Abraham a bile, KE NNA.” O be a le Mollo wola. O rile, “Ke tšwa go Modimo,

gomme Ke boela morago go Modimo.” Gomme ka morago ga la Gagwe lehu, poloko, le tsogo, Mokgethwa Paulo o kopane le Yena mo tseleng—mola leina la gagwe e sa le Saulo—mo tseleng go ya Damaseko, gomme O be gape a boetše morago go Pilara yela ya Mollo. Seetša se foufaditše mahlo a gagwe. Yeo ke nnete.

<sup>47</sup> Gomme šo Yena lehono, Pilara ya Mollo ya go swana, Modimo wa go swana a dira maswao a go swana, mediro ya go swana. Gobaneng? O ſoma magareng ga batho ba Gagwe. O ka go rena. Ke... O ne lena bjale, “eupša Ke tla ba ka go lena. Ke tla ba le lena, eibile ka go lena, go ya bofelong bja phelelo,” bofelong bja lefase. O tla ba le rena.

<sup>48</sup> Bjale, hlokamelang. Jesu o be a ba romile go rotogela Jerusalema le go leta. Lentšu *letela* le ra “go leta,” ga le re go rapela, le ra “go leta.” Ba be ba ſeſo ba ba dibjana tša go lekanela go rera, gobane ba tsebile feela tsogo ya Gagwe ka Motho wa Gagwe, bja go Mmona bokantle. O—O ba laetše go se ſa rera, go ſe dire ſelo go fihlela pele ba be ba tladiſwe ka Maatla go tšwa godimo.

Ga ke dumele gore moreri e ka ba ofe a ronngwego ke Modimo goba a ka hlomamišwago ka tshwanelo... Gobane Modimo ke tlhokamagomo. Gomme ſe Modimo a ſe dirago gatee, O ſe dira nako yohle. Bjale, ge Modimo a ka ſe ba dumelele go rera go fihlela ba ile go Pentecost le go amogela boitemogelo bja Pentecostal, ga go motho, ntle le tlhogeloe rilego ya go teba ya gagwe mong goba mokgatlo wo o rilego o mo romile, o ne ditokelo go tsena phuluphithing go fihlela a tladiſwe ka Moya wo Mokgethwa. Yeo ke nnete tlwa. Gobane o ba hlahla ka kelello ya bohlale ya mokgatlo tsoko go fihlela a tladiſwe ka Moya wo Mokgethwa; gomme gona, o ba fa dijo tša leeba; *Kwana le Leeba*, bjalo ka ge re boletše mantšiboeng a go feta.

<sup>49</sup> Bjale hlokamelang. O rile, “Rotogelang Jerusalema gomme fao le dule; nno letang fale go fihlela Ke romela tshepišo ya Tate.” Gomme gona, ba dirileng? Go be go le lekgolo le masomepedi a bona, monna le basadi. Ba ile ka kamoreng ya ka godimo ka tempeleng.

Bjale, go be go batametše letatši la Mokete wa Pentecost, go tšwa go hlwekišweng ga sekgethwa, go bolawa ga kwana ya paseka go fihlela go—go go tla ga Pentecost, e bego e le dikenywa tša mathomo tša puno, mogobo, mogobo wa Pentecost. Gomme mo meagong...

<sup>50</sup> Bjale, ke bile ka dinageng. Dinageng tša bohlabela ga ſe gantši di ne matrapo ka gare. Matrapo a be a le ka ntle. Ka ntle ga tempele, re a botšwa, go be go ne matrapo ao a išago ka kamoreng ye nnyane go bapa tsela; go ya godimo, le godimo, le godimo, go fihla o fihla go kamora godimo fale, boka kamora ya bobolokelo ka godimo ga tempele, mohuta wa kamora tsoko ye nnyane, kamora ya ka godimo. Gomme Beibele e boletše gore

ba be ba le ka fale gomme mabati a tswaletšwe, gobane ba be ba boifa Bajuda, gobane ba be ba tla ba gogagoga bakeng sa go rapela Morena Jesu, ka morago ga ge Kayafa moprista mogolo, le Pontio Pilato, le bona ba Mmolaile. Kafao ba be ba eya go tomola bohole ba bitšwago Bakriste. Gomme mabati a ile a tswalelwa, gomme ba be ba letile.

<sup>51</sup> Bjale, ka dikamoreng boka tšela, ga go ne mafastere. Mafastere e be e le dilo tše dinnyane di thibelago boka mejako, o di gogile go di bula. Ka dikamoreng tšela go ne mabone a krisi ao a lekeletšego tlase le go tuka... Ge eba o kile wa ba ka California go Clifton's Cafeteria, theogela tlase lebatongtlase, gomme o tla hwetša lona le lengwe la mohuta wa go swana, la kamora ya ka godimo. A le kile la ba fale? Ke ba bakae ka fa ba bilego fale? Ke bona batho ba dumela ka hlogo ya bona. Gabotse, le tseba se ke boleLAGO ka sona. Go lokile. Theogelang tlase fale, gomme le tla bona Serapa sa Getsemane; pele le dira, le tla ya ka go ye nngwe ya dikamora tšela tša bohlabela. Yeo ke therešo tlwa. Fale le hwetša lebone le lennyane le tletše ka oli ya mohlware ka wiki ye nnyane ya wulu e letše ka go yona, le tuka.

<sup>52</sup> Bjale, a re reng ba be ba le godimo fale, ba namela go dikologa ka go bontle bjo. Ba fihlile godimo fale le go ikuta bonabeng, gobane ba be ba boifa Bajuda. Jesu ga se a ba botša go ya go kamora ya ka godimo. O nno re, "Letang Jerusalema." Ba be ba le tlase fa ka ntlong, go boima go bolela se se tla diregago. Ba be ba tla tsena le go ba tšea. Kafao ba ile ka kamoreng ya kgale ka ntlong ya ka godimo, godimodimo ka go phapošiborulelo, gomme fale, ba tswalela kamora gore Bajuda ba se fihle go bona. Gomme ba dutše fale ba letile lebaka la matšatši a lesome.

<sup>53</sup> Bjale, bjale, re ka go Ditiro 1. Bjale, theetšang bokgauswi bjale. Le hwetša seswantšo? Ka ntle ga moago matrapo a mannyane a ile godimo, gomme ba ile ka kamoreng ye nnyane ye. Tlase ka tempeleng ba be ba ne Mokete wa Pentecost. Oo, go be go ne nako ye kgolo e kgatlampana. Bjale, ge Letšatši la Pentecost le tlie ka botlalo, bohole ba be ba le ka monagano o tee, monagano o tee, ba dumela gore Modimo o be a eya go romela tshepišo yela. Anke motho yo mongwe le yo mongwe ka fa a tsene ka monaganong wola wa go swana bošegong bjo gomme a bone se se diregago. Se swanetše go bušeletša. Ke tshepišo feela boka ba bile. Le a bona?

<sup>54</sup> Ba be ba dira eng? Ba latela ditaelo, ba latela me—me—me melao ya Modimo: "Letang go fihlela..."

<sup>55</sup> Bjale, ba be ba tšhogile Bajuda. Bjale, elelwang seo. Ba be ba boifa Bajuda. Bjale, ka pelapela go tlie modumo boka phefo ye e tšutlago. E be e se phefo ye e tšutlago; e be e le boka phefo ye e tšutlago. Ke tla bala ditshwayo feela mo metsotsong e se mekae go mofetoledi. E be e le boka phefo ye e tšutlago. Ka mantšu a

mangwe, e be e le phefo ya kagodimogatlhago (oo!), se sengwe ba kgonnego go ikwela. Phefo e be e le ka bokagareng bja bona. Go tla phe—phe phefo ye e tšutlago, boka phefo ye e tšutlago. Phefo e be e sa tšutle, eupša e nno kwagala boka phefo ye e tšutlago, boka se sengwe se eya: Fše! A le kile la ikwela yona? Oo, nna! Boka phefo ye e tšutlago. Bjale šetšang. Gomme e tletše... Bjale, ka fa e re “yohle n,” eupša ka Segerike e rile “Ka moka (Tlhakakgolo K-a m-o-k-a), Ntlo Ka moka,” mogohle ka fale. Monga wo mongwe le wo mongwe, khona, le lenga le bonetše go tlala ka yona. E sego go re, “E re, Baena, afa le ikwela se ke ikwelago?” Aowa! E be e le mogohle, boka phefo ye e tšutlago. Bjale šetšang. “Go tlie modumo boka phefo ye maatla e tšutlago gomme (lekopanyi. Bjale šetšang tšona *digomme*. Ge le sa dire, le E dira e bolele se sengwe E sa se bolelego. Le a bona?)—gomme boka (ke seo se diregilego pele e bile modumo, se sengwe boka phe—phe phefo e tšutlago se tlie godimo ga bona)—gomme (le a elelwa, bosegong bja go feta ke ile go krosari gomme ke rekile llofo ya borotho le nama ye nngwe. Seo ke se sengwe se ilego le sona. Borotho ke selo se tee, nama ke se sengwe. Gomme modumo o be o le se sengwe se ba rathilego)—gomme fale go tšweletše go bona, (pele ga bona) maleme—maleme a arogašwego.”

<sup>56</sup> Afa e ka ba mang ka fa a kilego a bona *Melao Ye Lesome* ya Cecil DeMille? A le lemogile ge Melao e be e ngwalwa? Ka fao a e swerego, ga se ke tsebe. Go bile dilo tše pedi goba tše tharo tseo ke di bonego ka go yona ke di ratilego ka kgontha. Selo sa pele ke seetsa sela sa talaserolwane, seo ke tlwa se O bonagetšego ka gona. Le a bona? Selo se sengwe e bile ge Molao o ngwalwa, gomme ka morago ga ge e fedile, a le lemogile go fofa go tloga go Pilara ya Mollo yela ye kgolo, go be go le malakabe a mannyane a mollo a fofa go tloga? A le lemogile seo? Bjale, ke seo ke naganago se se be se le ka Pentecost. Go tšweletše go bona... Kafao ba kgonne go O bona. Ga se e re, “Go wetše ka go bona.” Eupša go tšweletše go bona malakabe (re tla o bitša), maleme, boka leleme boka leleme le fa, [Ngwanešu Branham o a laetša—Mor.], sebopego sa leleme, lelakabe la mollo. Bjale, tsebe—boka ke boletše, tsebe ke tsebe; monwana ke monwana. Monwana ga go re gore o o kwele; go ra gore o bonagetše boka monwana. Gomme ge eba e be e le tsebe, ga se e re gore ba e kwele; e bonagetše boka tsebe. Wo e be e le mollo woo o bonagetšego boka leleme, e sego yo mongwe a bolela, mollo woo o bonagetšego boka leleme.

57 Bjale, theetšang. Šetšang ka fao Segerike se e balago fa:

*Gomme ka pelapela go tlie modumo... boka phefo ye maatla e tšutlago... (Ya 3—temana ya 3.)*

Gomme maleme a a arogašwego a tšweletše go bona,... (Go se go maleme a a arogašwego a be a le ka go bona, goba ba be ba bolela ka maleme a a arogašwego; e be e le maleme a a arogašwego a tšweletše go bona. Bjale, šetšang. Ga sešo gwa

ba go bona. O fale ka kamoreng, o dikologa gohle boka ka go phefo ye)...go bona...boka...mollo... a arogantšwego maleme...a tšweletše go bona... (yeo ke pele ga bona) boka...mollo, (maleme boka mollo) gomme o tee (botee) o dutše go yo mongwe le yo mongwe o tee wa bona. (E se go o tsene ka go bona; eupša o dutše go bona.)

<sup>58</sup> Bjale, bonang ka fao King James e tla lahlago seo: "Gomme dikgabo tša maleme di tla godimo ga bona, goba di dutše (e balega bjang ka go King James fale?) di dutše godimo ga bona." Le a bona? Bjale, o be o ka se ye godimo fale gomme wa dula fase. Re tseba seo. Eupša ya setlogo e rile, "O dutše godimo ga bona," ke a dumela; a ga se yona? Anke ke e hwetše therešo tlwa. Ya! "... dutše godimo ga yo mongwe le yo mongwe wa bona." Leleme le tee la mollo le dutše go yo mongwe le yo mongwe wa bona. Le a bona fale? A le a e hwetsa? Seo ke selo sa bobedi se diregilego. Sa pele e bile phefo, morago go tšwelela ga maleme a mollo.

<sup>59</sup> E bile ka kamoreng ye fa ka mabone a mannyane a krisi a tuka. Naganang ka bona ba dutše godimo fale. Gomme o tee o re, "Oo!" O lebeletše gohlegohle moagong; o be o le gohlegohle moagong. Morago ba rile, "Lebelelang!" Maleme a mollo a thoma go tla go dikologa moago. Bjale šetšang. Gomme go tšweletše maleme a a mollo.

Bjale šetšang ya go latela:

*Gomme* (Lekopanyi le lengwe; se sengwe gape se diregile.) *bohle ba be ba tladitšwe ka Moya wo Mokgethwa*,... (Selos a bobedi se diregilego.)

<sup>60</sup> Bjale bonang, re nyaka go fetola seo re re, "Ba bile le maleme a mollo, gomme fa ba kolakoletša tikologong; gomme morago ba ile ntle gomme ba thoma go bolela ka leleme le šele." Ga go selo se sebjalo bjalo ka seo Mangwalong, mogwera. E ka ba mang a bolelago ka leleme le šele mo go amogeleng Moya wo Mokgethwa o e dira kgahlanong le Beibe. Gomme ke ya go le bontšha mo metsotsong e se mekae le go le netefaletše ke dumela go go boleleng ka maleme a šele, eupša e sego go amogela Moya wo Mokgethwa. Yeo ke mpho ya Moya wo Mokgethwa. Moya wo Mokgethwa ke Moya.

<sup>61</sup> Bjale šetšang. Maleme a a be a le ka kamoreng boka mollo, gomme a dutše go yo mongwe le yo mongwe. Morago ba ile ba tlatšwa ka Moya wo Mokgethwa (selo sa bobedi), gomme morago, ka morago ga ge ba tladitšwe ka Moya wo Mokgethwa, ba boletše ka maleme, e sego ka maleme, ka dipolelo. A le lemogile seo? Ba thomile go bolela ka dipolelo tše dingwe bjalo ka ge Moya o ba file go bolela. Bjale, ye e kwagetše gohle.

<sup>62</sup> Bjale šetšang. Bjale, a re hwetšeng seswantšho gape gore le se e lebale bjale. Go ya ka Lengwalo, kamoreng ya ka godimo

go letilwe, ka pelapela modumo boka phefo ye e tšutlago, yeo e bilego godimo ga bona; woo e be e le Moya wo Mokgethwa. Ke ba bakae ba dumelago gore sela e be e le go tšwelela ga Moya wo Mokgethwa? Boka phefo, phefo ya kagodimogatlhago. Gona ba lemogile. Gomme morago ka fale go be go le maleme a mollo a mannyane, lekgolo le masomepedi a ona, gomme a thoma go dula fase le go dula godimo ga yo mongwe le yo mongwe wa bona. E be e le eng? E be e le eng? Pilara ya Mollo, e bego e le Modimo Yenamong a ikaroganya Yenamong magareng ga batho ba Gagwe, a etla ka go batho. Jesu o bile le selo ka moka; O bile le Moya ntle le go lekanyetšwa; re ne Ona ka go lekanyetšwa (Le bona se ke se rago?), gobane re bana ba ba beilwego. Bophelo bja Gagwe—Bophelo bjo Bosafelego bja Gagwe bo be bo etla ka gare. Bjale, go diregileng? Nako yeo ba be bohole ba tladitšwe ka Moya wo Mokgethwa.

<sup>63</sup> Bjale, ke nyaka go le botšiša se sengwe. Na mabarebare a thonngwe neng? Ge eba ba be ba swanetše go tšwela ka ntle ga kamora yela ya godimo go theoga ditepisi tšela le go tšwela ntle go dikgoro tša mošate—goba ntle ka go di—dikgoro tša tempele, di bego ka kgonagalo di le poloko ya toropokgolo go tloga moo ba bego ba le ntshe, ngwakogodimo le go theogela, ntle ka dikgorong moo batho bohole ba bego ba kgobokane mmogo... Gomme ba tšwile ka fale boka ba tagilwe ka Moya. Ka gobane batho ba rile, “Banna ba ba tletše ka beine ye mpsha.” Ga sa nke ba ke ba bona e ka ba eng boka yela.

<sup>64</sup> Gomme mongwe le mongwe o be a leka go re, “Moya wo Mokgethwa o tlide. Tshepišo ya Modimo e godimo ga rena. Ke—ke tladitšwe ka Moya.” Gomme yena go beng Mogalelia, monna yo a bego a bolela le yena, Moarapo goba Moperesia, o mo kwele ka polelo ya gagwe mong.

<sup>65</sup> “Re kwa bjang (e sego leleme le šele)—re kwa bjang motho yo mongwe le yo mongwe ka leleme leo re tswetšwego ka lona. A ba bohole ba bao ba bolelago ga se Bagalelia?” Gomme mohlomongwe o be a bolela Segalelia... Eupša ba e kwele, e be e le ka polelo ba tswetšwego ka yona. Ge go se bjalo, ke nyaka le mpotšiše—nkarabe potšišo ye: Go bile bjang gore Petro a emelele fale gomme a boletše Segalelia, gomme sehlopha ka moka se kwele se a bego a se bolela? Disoulo tše dikete tše tharo di tlide go Kriste thwi fale gomme Petro a bolela polelo e tee. Kgonthe! E be e le Modimo a diragatša mohlolo. Petro, go batheeletši ba go swana bao ba bego ba dirilwe ke badudi ba Mesopotamia, le bašele, le basokologi, le se sengwe le se sengwe go tšwa gohlegohle lefaseng ka moka ba be ba eme fale... Gomme Petro a eme gomme a rera ka polelo e tee, gomme motho yo mongwe le yo mongwe o mo kwele, gobane ba dikete tše tharo ba sokologile gomme ba kolobeditšwe Leineng la Jesu Kriste semeetseng. Seo se bile bjang?

<sup>66</sup> Le a bona, bagwera, nka se lete kerekeleina ya ka, ngwanešu wa Mopentecostal go amogela seo gonabjale. Eupša o šalamorago seo go kgabola Beibele gomme o mpotše nako e ka ba efe moo ba kilego ba amogela Moya wo Mokgethwa gomme ba boletše ka leleme leo ba sa tsebago ba be ba bolela ka lona. Gomme ge eba yeo ke tsela ye ba O hweditšego, Modimo wa go ikema... Go swanetše go direga nako le nako ka tsela ya go swana.

<sup>67</sup> Bjale, nka se... Bjale, ka ntlong ya Korone-... Re a eelwa, ge re ile tlase Samaria, bošegong bja go feta, re hweditše fale go be go se selo se tee ka ga bona ba ekwa ka leleme le itšego le lengwe, ga go selo se boletšwego ka se. Eupša ge ba ile ntlong ya Koronelio, moo go bego go le mehlobo ye meraro ya go fapania ya batho, ba boletše ka maleme. Gomme ge ba dirile, ge eba ba dirile, ba O hweditše, Petro o rile, ka tsela ya go swana ba O hweditšego mo mathomong. Gomme ba tsebile Bantle ba amogetše mogau go tšwa go Modimo, gobane ba be ba amogetše Moya wo Mokgethwa feela boka ba dirile kua mathomong. Ke ne potšišo fa, se sengwe go seo mo metsotsong e se mekae. Ke nyakile go ala motheo, gore le tle le bone se e lego.

<sup>68</sup> Bjale, nka se lete batho ba ba rutilwego go fapania... Gomme ntheetšeng, barategi ba ka, ba bohlokwa, baena ba Pentecostal. Ke be nka se rute se ka ntile. Se ke... Ke be nka se dire selo go hlola diphapano. Eupša ge re sa hwetše Therešo, ke neng re yago go thomiša? Re swanetše go ba le se sengwe go direga fa go re otlolla. Re swanetše go hwetše mogau wa tlhatlogo fa bjale. Therešo e swanetše go nyarela.

<sup>69</sup> Monna a ka dira eng ge eba a be a le sefoa, le semuma, gomme a sa kgone go bolela le gannyane? A a ka kgona go amogela Moya wo Mokgethwa? Go ka reng ge a be a se ne leleme le go thoma, gomme moisa wa go šokiša o nyakile go phološwa? Le a bona? Ke Moya wo Mokgethwa, ke kolobetšo. Gomme gona, dimpho tšohle tše boka go bolela ka maleme, tlhathollo ya maleme, ke ka morago ga ge o tlide ka Mmeleng ka kolobetšo ya Moya wo Mokgethwa. Ka gore dimpho tšela di ka Mmeleng wa Kriste.

<sup>70</sup> Bjale, lebaka ke rego... Bjale, lebelelang fa. A o ka letela kereke ya Katoliki, ye e bilego kereke ya mathomo go kgatlofatšwa ka lefaseng ka morago ga ge baapostola... Morago kereke ya Katoliki e kgatlofaditšwe, oo, mengwaga ye mmalwa ye makgolo ka morago ga lehu la moapostola wa mafelelo, makgolo tshela tsoko le—mengwaga ka morago ga baapostola, thwi ka morago ka Nicene Council, ge botate ba Nicene ba tlide mmogo le go kgatlofatša; morago ba beile kereke ya lefasetšekelele, e bego e le kereke ya Katoliki. Ka fale ba dirile kereke. Gomme lentšu *katoliki* le ra “lefasetšekelele”; seo ke mogohle. Bona... Ya Roma—Roma ya bohetene e sokologetše go Roma ya bomopapa. Gomme ba beile mopapa go ba hlogo go tše legato la Petro, yo ba nagannego gomme ba boletšego gore Jesu

o mo file dinotlelo tša Mmušo. Gomme mopapa yola o be a sa dire phošo, gomme o sa le le bjale lehono go kereke ya Katoliki. Yola... Lentšu la gagwe ke molao le taelo. Ke mopapa wa go se palelwe. Yoo o ile go kgabola.

<sup>71</sup> Gomme morago, ka lebaka la gore ba be ba sa dumelane le thuto ye ya Katoliki, ba ile ba bolawa, ba tshungwa mo koteng, le se sengwe le se sengwe gape. Bohle re tseba seo ka dingwalwa tše kgethwa tša Josephus, le *Fox's Book of the Martyrs*, le tše dingwe tše dintsi tše kgethwa... ya Hislop *Two Babylons*, le di-di dihistori tše kgolo. Gona, e ka morago ga mengwaga ye makgolo a lesometlhano, bjalo ka ge re tseba, a Mabaka a Leswiswi, Beibele e tseetšwe batho. Gomme E be—E be e utilwe ke mmonko yo monnyane, le go ya pele, re a kwešiša.

<sup>72</sup> Gona ka morago ga seo go tla kaonafatšo ya mathomo e bego e le Martin Luther. Gomme o gatetše ntle gomme o boletše gore selalelo seo Katoliki e se biditségo mmele—mmele wa go swarega wa Kriste, se nno emela mmele wa Kriste. Gomme o lahletše selalelo reileng ya aletara, goba mo ditepising, gomme o ganne go se bitša mmele wa go swarega wa Kriste, gomme o rerile, “Moloki o tla phela ka tumelo.” Bjale, o ka se lete kereke ya Katoliki go dumelana le yena, ka kgonthe aowa, mola hlogo ya bona ya go se palelwe e ba botša aowa. Go lokile.

<sup>73</sup> Gona ka morago ga Martin Luther, a rera Tokafatšo, John Wesley o tla a rera Tlhwekišo. Gomme o rerile gore motho, morago ga go lokafatšwa (go lokile) eupša o swanetše go hlwekišwa, hlatswiwa, modu wa bobo o ntshwe go wena ka Madi a Jesu Kriste. Bjale, o ka se lete Malutheran go rera Tlhwekišo, gobane ga ba ye go e dira.

<sup>74</sup> Ka morago ga ge Wesley a rerile Tlhwekišo, le tše ntši tše dinnyane di ngadile go tloga go yona, tše go tlago, Wesleyan Methodist, le Nazarene, le go ya pele, tše di bolokilego mollo o tuka go kgabola lebaka la tšona, morago go tla Pentecost gomme e rile, “Gobaneng, Moya wo Mokgethwa ke kolobetšo, gomme re bolela ka maleme ge re O hwetša.” Kgonthe. Morago ge yeo e etla, o be o ka se lete Manazarene, le Mawesleyan Methodist, le go ya pele go dumela seo. Ba be ba ka se e dire. Ba e biditše diabolo. Go lokile. Go diregileng? Ba thomile go wa; Pentecost e thomile go hlatloga. Bjale e hlatlogetše go lefelo go fihla Pentecost e hweditše tšhikinyego ya yona. E kgatlofaditswe gomme e ile ntle, ga e amogege selo gape. Ba ne melao ya bona beng le ditshepedišo, gomme seo se a e ruma.

<sup>75</sup> Bjale, ge Moya wo Mokgethwa o etla ka gare le go utolla Therešo ya e ka ba eng le go e netefatša ka Bogona bja Gagwe mong le ka Lentšu la Gagwe, o ka se lete batho ba Pentecostal go re, “Ke tla dumelana le yona.” O swanetše go ema o nnoši boka Luther a dirile, boka Wesley a dirile, le boka ka moka ga

bona ba dirile. O swanetše o eme go seo gobane iri e fa. Gomme seo ke se ntirago lepidibidi la go befa. Ke se se ntirago go fapanā.

<sup>76</sup> Gomme nka se kgone go thoma boka Ngwanešu Oral Roberts yo bohlokwa, le Tommy Osborn, Tommy Hicks, le bona, gobane dikereke di ka se dumelane le nna. Ba re, “O dumela go tshireletšo ya gosafelego. Ke yena Mobaptist. Ga a dumele go boleleng ka maleme bjalo ka bohlatse bja mathomo bja Moya wo Mokgethwa. Tlogang go mothaka yoo wa go befa!” Le a bona?

<sup>77</sup> Eupša etla sefahlego le sefahlego le yona. E lebeletše fase. Ba kgona go lebana le Malutheran, ma—ma Mamethodist a a kgona. Pentecostal e kgona go lebanya Methodist. Ke kgona go lebanya Pentecostal ka yona. Ke nnete tlwa. Ke therešo. Gobaneng e le? Re sepela ka Seetšeng boka A le ka Seetšeng. Le a bona? Re sepelela godimo ga Tselalephefo ya Kgoši, gomme bokgole bjo e tlago, mogau wo montši o a fiwa, maatla a mantši a a fiwa, tša kagodimogathago tše ntši di a fiwa. Gomme ke rena bale. Ye ke iri go fao Moya wo Mokgethwa o theogago ka sebopego sa seetša boka A bile kua mathomong, Pilara ya Mollo, gomme o iponagaditše Yenamong, a dira tšona dilo tša go swana tše A di dirilego ge A be a le fa lefaseng. Gomme Jesu o rile, “Le tseba bjang ge eba ba nepile goba aowa? Ka dikenywa tša bona le tla ba tseba. Yo a dumelago ka go Nna, mediro ye Ke e dirago o tla e dira le yena. Maswao a a tla latela bona ba ba dumelago.”

<sup>78</sup> Bjale, baena ba ka ba Pentecostal. Ke na le lena. Ke yo mongwe wa lena. Ke ne Moya wo Mokgethwa. Ke boletše ka maleme, eupša ga se ke a hwetše godimo ga go amogeleng Moya wo Mokgethwa. Ke hweditše kolobetšo ya Moya wo Mokgethwa; ke boletše ka maleme, ke profetile, ke bile le dimpho tša tsebo, bohlale, ditlhathollo, le se sengwe le se sengwe se direga. Eupša ke laolwa ke e ka ba efe ya dilo tšela, gobane bjale ke ngwana wa Modimo. Maatla, Mollo wa Modimo o ka soulong ya ka; leleme lela la Mollo leo le hlomilego—le tla go ka gare ga ka le go tshuma se sengwe le se sengwe seo se bego se le kgahlanong le Modimo, gomme bjale ke hlahlwa ke Moya wa Gagwe. A ka kgona go re, “Eya fa,” gomme ke tla ya. “Eya fa”; ke tla ya. “Bolela fa”; ke tla bolela. “Gomme dira se, seo, le se sengwe.” Gona o, feelsa boka... O hlahlwa ke Moya. Yoo ke Modimo ka go wena, a šoma thato ya Gagwe. Ga go kgathalege se e lego, O šoma thato ya Gagwe.

<sup>79</sup> Bjale, theetšang. Anke ke bone go balwa fa pele re thoma dipotšišo ka go pukuntšu fa. Bjale, go tšwa Phetolelong ya Vatican, Bolumo ya 7, 190–1205:

“Go thata go hlatha ge eba e be e le segalontšu sa batho bale ba bolela ka polelo e šele; goba pego goba mabarebare a tiragalo ya phefo ya kagodimogathago e tšutlago yeo e thantsheditšego lešaba.”

Ga se ba kgone go e kwešiša. Bjale šetšang. Ge eba e be e le batho...

<sup>80</sup> Ke tla no swantšha. Sehlopha sese sa ba go šokiša, Bagalelia ba mankgeretla. Gomme bona šeba ntle fale mo mokgotheng. Ga sa nke ba ke ba bona e ka ba eng boka yona: diatla tša bona godimo moyeng, ba tla go tšwa go kamora yela ya ka godimo, go theoga tšona ditepisi, ntle ka go fale, ba nno tlatšwa; ga ba tsoge ba bolela ka yeo nako. Le a bona? Bona šeba ba theoga go kgabola fale. Gomme bjale, a re reng, ba be ba le ntle fale ba thekesela gohle ka go ye. Gomme batho ba rile... Mogerike o kitimela go nna gomme, o re, ke bolela Segalelia.

O kitimela godimo go yena gomme o re, “Gomme bothata ke eng ka Wena, Mošemane?”

<sup>81</sup> “Ke tladitšwe ka Moya wo Mokgethwa. Maatla a Modimo a wetše godimo fale ka kamoreng yela. Se sengwe se ntiragaletše. Oo, Letago go Modimo!”

Gomme yo mongwe godimo fa, o be a bolela le Moarapo, gomme yena a le Mogalelia a bolela polelo ya Searapo—Searapo.

<sup>82</sup> Bjale, ga ba kgone go bolela, a e be e le phefо yeo e gogilego batho mmogo ge mašaba a tlie mmogo, goba a e bile go boleleng ka polelo e ſele yeo ba bego ba e bolela? Bjale, Beibele ga e tlwa... O ne dilo tše pedi go di ſetša. E be e le yona... Mo—mo moſeles o rile, “Go bjang gore re kwe motho yo mongwe le yo mongwe ka leleme la rena beng leo re tswetšwego ka lona?” Ga se e bolele gore ba be ba e bolela, eupša ba be ba ekwa.

<sup>83</sup> Morago sona sehlopha sa go swana, batho ba go swana, ba hlaloša se. Petro o tabogetše godimo ga se sengwe gomme o rile, “Lena banna ba Galelia, le lena ba le agilego ka Jerusalema, anke ye e tsebje go lena (batho ba rile ga se ba be le polelo ya Segalelia) anke ye e tsebje go lena gomme le theetšeng mantšu a ka (ke polelo efe—efe a bego a e bolela, go bohole ba bona?); gobaneng, ba ga se ba tagwa bjalo ka ge le eleletša, go boneng ke iri ya boraro ya letſatši, eupša se ke sela se se boletšwego ke moprofeta Joele: ‘Gomme go tla direga mo matſatšing a mafelelo, go boletše Modimo, Ke tla tšollela Moya wa Ka ntle godimo ga nama yohle. Barwa le barwedi ba lena ba tla profeta.’” Pele le pele o ile, gomme o rile, “Lena ka diatla tša bobе le bapotše Morwa wa Modimo tlhokamolato. Dafida o be a boletše ka Yena... ‘a ka se lese soulo ya Gagwe ka heleng, ga eſita a ka se tlogele Yena Mokgethwa wa Gagwe go bona go bola.’” Gomme o rile, “Anke go tsebje go lena gore Modimo o dirile Jesu yo wa go swana yo le mmapotšego bobedi Morena le Kriste.” Gomme ge ba kwele se... Amene! Mang? Motho yo mongwe le yo mongwe ka tlase ga magodimo. Go be go diregang? O be a sa re, “Bjale, ke tla bolela Segalelia; ke tla bolela ye; gomme ke tla bolela ye...?...”

<sup>84</sup> Ge Petro a sa bolela mantšu a, ba rile, “Banna le baena, ke eng re ka e dirago go ka phološwa?” Gomme Petro o ba fa formula. Yeo ke tsela e diregago ka mehla. Le a bona?

<sup>85</sup> E sepelela godimo, e gatelela ka go Modimo, mosepelo wa kgauswi. O tseba bjang? Gabotse bjale, ge Luther a amogetše tokafatšo, o biditše sela Moya wo Mokgethwa. E be e le. Modimo o inne bonnyane bja Ona. Gona O boletše eng? Wesley o amogetše Tlhwekišo, gomme o rile, “Saatena, ge o goeletša, o O hweditše.” Eupša boati bja bona ba goeleditše bao ba sa bago le Ona. Ge Pentecost e boletše ka maleme—maleme a šele, ba rile, “Saatena, o O hweditše.” Eupša boati bja bona ga se ba be le Ona.

Ga go dilo tše bjalo bjalo ka ona maswao a go tsebeng seo. “Tsela e nnoši o tsebago mohlare,” Jesu o rile, “ke ka kenywa yeo e o enywago,” mediro ya Moya, kenywa ya Moya. Gona ge o bona motho yoo a tletšego ka maatla, yoo a tletšego ka Moya wo Mokgethwa, gona o bona bophelo bjo bo fetogilego. O bona maswao a a latela bona bao ba dumelago: “Leineng la Ka ba tla lelekela bodiabolo ntle, ba bolela ka maleme a maswa. Ge dinoga di ka ba loma, di ka se ba gobatše. Ge ba be ba ka ba le selo sa go bolaya, go nwa, se ka se ba bolaye. Ba tla bea diatla go balwetši gomme ba tla welwa ke maruru.” Nna! Mohuta wo wa maswao o latela bona bao ba dumelago. Eupša o tsena bjang ka go yona? Tšona dimpho di ka Mmeleng. O tsena bjang Mmeleng? E sego go boleleng tsela ya gago ka gare; eupša ka go kolobeletšwa ka Mmeleng o tee (Bakorinthe Ba Pele 12:13). Moya o tee bohle re kolobeletšwe ka Mmeleng wola le go laolwa ke dimpho tšohle. Morena a le šegofatše.

<sup>86</sup> Bjale, ge yo mongwe a ka kwa theipi ye goba yo mongwe fa a ka ganetšana, elelwang, e dire ka segwera, ngwanešu, gobane ke a go rata.

**93. Potšišo ya mathomo bošegong bjo: Ngwanešu Branham, ke a nagana thelebišene ke thogako go lefase. O nagana eng ka yona?**

<sup>87</sup> Gabotse, e ka ba mang a e ngwadilego, ke ya go dumeliana le wena. Ba e dirile thogako go lefase. E ka kgona go ba tšhegofatšo go lefase, eupša ba e dirile thogako. E ka ba eng boka yeo, batho ba ka barategi, ke se o se lebelelago wenamong. Ge eba thelebišene ke thogako, gona kuranta ke thogako, gona seyalemoya ke thogako, gomme makga a mantši thelefomo ke yona. Le a bona, le a bona, le a bona, le a bona? Ke se o se dirago ka yona. Eupša go beng gore ngwanešu o boletše bošego bjo bongwe, gore go thata mo thelebišeneng go ba le mananeo a itšego gape; yeo ke tšelete ye ntši. Bareri ba go šokiša bao ba rerago Ebangedi ya go Tlala ga ba fihlelele lenaneo mo thelebišeneng. Kafao kagona... Ngwanešu o boletše bošegong bjo bongwe, ke a dumela, felotsoko, o rile, “Tloša lerole seyalemoyeng sa gago,” goba yo mongwe, goba, “Se buše morago go tšwa khoneng gomme o theetše ona mananeo.” Yeo ke nnete.

<sup>88</sup> Eupša, motho morategi, e ka ba mang o lego, ka therešo ke dumeliana le wena. E fetogile ye nngwe ya dilo tša go lahlwa

go moloko wa motho. Ka fale ba tšea ye yohle fa tšelete yeo e swanetšego go ya go mmušo bakeng sa metšhelo, gomme ba e beela thoko ka go bapatša ohle a mananeo a sekerete le wisiki le dilo boka tseo, gomme ba e tloša go metšhelo ya mmušo; gomme morago ba tla go dikologa gomme ba hwetša bareri gomme ba ba gogela kgorongtsheko go hwetša tšelete ye nnyane go tšwa go bona. Ke dumelana le wena, ke selo sa go befa. Bjale, yeo ga se... Le a tseba, e no ba se sengwe o se hwetšago. Ke a go leboga, kgaetšedi, ngwanešu, e ka ba mang a bilego yoo a botšiitšego yeo.

**94.** Bjale, ye botse še. Potšišo: **Go ne mafelo ka Beibeleng bjalo ka Samuele wa Pele 18:10, ye e rego moyo wo mobe go tšwa go Modimo o dirile dilo. Ga ke kwešiše “moya wo mobe go tšwa go Modimo.” Hle hlaloša se.**

<sup>89</sup> Gabotse, mohlomongwe ka thušo ya Morena, nka kgona. Ga go re gore Modimo ke Moya wo mobe. Eupša moyo wo mongwe le wo mongwe le se sengwe le se sengwe se laolwa ke Modimo. Gomme O dira se sengwe le se sengwe go šoma go ya ka se A se ratago. Le a bona?

<sup>90</sup> Bjale, go potšišo ya gago, o bolela ka moyo wo mobe woo o ilego go tšwa go Modimo o tlaiša Saulo. O be a le ka mmutsung, sebopego sa go robagana—seemo, gobane, sa pele, o be a kgelogile. Gomme ge o kgeloga, moyo wo mobe—Modimo o tla dumelela moyo wo mobe go go tlaiša.

<sup>91</sup> Ke tla rata go le balela se sengwe mo—mo nakwaneng. Ke ne kgopolو ye nngwe ka yona fa. Le a bona? Moya wo mongwe le wo mongwe o swanetše go laolwa ke Modimo. A le elelwa ge Josafate le Ahaba ba be ba eya ntweng? Gomme selo sa pele le a tseba, go be go le—ba hlomilwe mo dikgorong. Gomme Josafate o be a le monna wa moloki, gomme o rile (dikgoši tše pedi di dutše fale, gomme ba gahlantše madira a bona mmogo) gomme kafao o rile, “A re botšišeng Morena ge eba re a ya goba aowa.”

<sup>92</sup> Gomme Ahaba o ile gomme o tlišitše baprofeta ba makgolo nne bao a bilego le bona, bohole, a ba bolokile a ba fepa le go ba nontšha le se sengwe le se sengwe; ba be ba nathile. Gomme ba tla godimo fa, gomme bohole ba profetile ka mmtero o tee, ba rile, “Eya godimo, gomme Modimo o tla go fa phenyo. Eya godimo Ramothegiliade gomme fale Modimo o tla go tšeela selo.” Yo mongwe wa bona o itiretše yenamong para ya dinaka gomme a thoma go kitima gohle bjalo ka tšhupetšo, o rile, “Ka dinaka tše tša tshipi, o tla ba kgoromeletša thwi ka ntle ga naga; ke ya gago.”

<sup>93</sup> Eupša le a tseba, go ne se sengwe ka ga monna wa Modimo seo se no se elego sela sohle. Le a bona? Ge eba e sa kwagale gabotse le Lengwalo, go ne se sengwe sa phošo. Modumedi e ka ba ofe wa therešo... Kafao Josafate o rile, “Gabotse, bona ba

makgolo a mane ba bogega gabotse. Ba bogega boka monna wa go loka.”

“Oo, ke bona,” mohlomongwe Ahaba o boletše.

Eupša Josafate o rile, “A ga o ne yo mongwe o tee gape?” Gobaneng o tee mola o ne ba makgolo a mane ba le mmerong o tee? Gobane o tsebile go be go ne se sengwe seo se se nogo go kwagala gabotse. Le a bona?

O rile, “Ee, re ne o tee gape, morwa wa Jimila, godimo fale,” o rile, “eupša ke mo hloile.” Kgonthe. O tla tswalela kereke ya gagwe nako e ka ba efe o kgonago. O tla mo raka ka nageng. Le a bona? Kgonthe. “Ke mo hloile.”

“Gobaneng o mo hloile?”

“Ka mehla o profeta bobe kgahlanong le nna.” Ke a dumela Josafate o tsebile thwi nako yeo go be go ne—se sengwe se be se se sa loka.

Kafao o rile, “Eyang godimo gomme le tlišeng Mika.”

Kafao ba ile godimo ka morago ga gagwe, gomme šo o tla tlase... Kafao ge ba ile godimo, ba rometše motseta gomme ba rile, “Bjale, leta motsotso. Bjale, ba ne Dingaka tša Bomodimo tše makgolo a mane tlase fale. Ke ba bakaonekaone ba lego ka nageng, ka Ph, dILLD, le se sengwe le se sengwe.” Ba rile, “Bjale, o a tseba, wena monna yo monnyane wa go serutege wa go šokiša, ga o ye go ganetšana le baruti bale bohle.”

<sup>94</sup> Jimila o boletše se, goba ke ra, Mika o boletše se: “Nka se bolele selo go fihlela Modimo a e bea ka molomong wa ka, gomme gona ke tla bolela tlwa se A se bolelago.” Ke rata seo. Ke rata seo. Ka mantšu a mangwe, “Ke tla ema le Lentšu.” Ga go kgathale se ka moka ga bona ba se boletšego. O rile, “Gabotse,” o rile, “ke a go botša. Ge o sa nyake go lahlelwā ntle, bokaone o bolele selo sa go swana.”

Kafao o ile tlase fale. Gomme o rile, “A nka ya godimo?”

O rile, “Eya pele.” O rile, “Mpheng bošego bjo. Anke ke e boledišane le Morena.” Ke rata seo. Kafao bosegong bjoo Morena o bonagetše go yena, gomme letšatši la go latela o ile godimo. Gomme o rile, ge a be a eya godimo, o rile, “Eya pele; eupša ke bone Israele boka dinku di hloka modisi, e šwalalantšwe dithabeng.” Oo, nna! Seo se ntšhitše phefo go yena.

Gomme o rile, “A ga se ka go botša? Ke e tsebile. Yeo ke tlwa tsela ye a dirago nako yohle, go boleleng se sengwe kgahlanong le nna.”

<sup>95</sup> Gobaneng? O be a eme le Lentšu. Gobaneng? Moprefeta pele ga gagwe, Lentšu la Modimo le etšwa go Eliya, moprefeta wa kgonthe, o rile, “Gobane o tšholotše madi a Nabote tlhokamolato, dimpša di tla latwa madi a gago le wena.” Gomme o mmoditše bobe. Elisa o be a šetše a ile Legodimong. Eupša

o tsebile gore Elisa o bile le Lentšu la Modimo, kafao o eme le Lentšu. Ke rata seo. Ema le Lentšu.

<sup>96</sup> Ge Beibele e rile Jesu Kriste wa go swana maabane, lehono, le neng le neng; maatla a Gagwe a a swana le bjale; Moya wo Mokgethwa ke wa e ka ba mang a ratago, anke a tle, a dule le Lentšu. Ee, mohlomphegi! Ga go kgathale se ka moka ga bona ba se boleLAGO. Ba fepša gabotse gakaakang goba ke dikolo tše dintši gakaakang ba ilego go di kgabola, seo ga se ne selo go dira le sona.

Kafao gona o rile... Moisa yo mogolo yo ka dinaka hlogong ya gagwe, a eya go e kgoromeletša—naga ntle go tloga mošola wa kgoši, o sepeletše godimo gomme a mo itia ka ntahle molomong (moreri yo monnyane yo). O tsebile o be a no ba mophshikologomokgethwa yo monnyane kafao go be go se selo se ka bolelwago ka yona, kafao o nno mo itia ka ntahle molomong. O rile, “Ke nyaka go go botšiša se sengwe.” O rile, “Moya wa Modimo o ile ka tsela efe ge O tšwile go nna ge eba o ne Ona?”

<sup>97</sup> O rile, “O tla kwešiša ge o dutše ka kgolegong ntle mošola bjalo ka lethopša.” O rile, “Ke bone Modimo a dutše teroneng (Amene! Bjale theetšang!), gomme madira a Legodimo a be a bothane go Mo dikologa.” Bothata e be e le eng? Moprefeta wa Gagwe o be a šetše a boletše se se bego se ile go direga go Ahaba. Modimo... Yoo e be e se Eliya a boletšego sela; yoo e be e le moperfeta yo a tloditšwego. Lela e be e le Lentšu la Morena, O RIALO MORENA. Gomme Mika o rile, “Ke bone madira ohle a Legodimo a bothane go dikologa Modimo ka khonferenseng ye kgolo. Gomme ba be ba bolela seng. Gomme Morena o rile, ‘Ke mang Re ka mo hwetšago go ya tlase ke ofe wa lena a ka yago tlase gomme a fora Ahaba, go mo iša ntle fale go phethagatša Lentšu la Modimo, go mo dira a thuntšhwe? Ke mang Re ka mo hwetšago go ya tlase?’”

<sup>98</sup> Gabotse, o tee o be a bolela se setee *se* goba se setee *sela*. Gomme ka morago ga nakwana, moya wo mobe, moya wa maaka o tla godimo go tšwa botlaseng gomme o rile, “Ge O ka no ntumelela. Ke nna moya wa maaka. Ke tla ya tlase gomme ka tsena ka go bona bareri bohole, gobane ga ba ne Moya wo Mokgethwa; gomme ke tla ba dira (ba no ba bašemane ba go hlahlwa sekolong)—gomme ke tla ya tlase, gomme ka tsena ka go yo mongwe le yo mongwe wa bona, gomme ka ba fora, le go ba dira ba profete maaka.” A o e boletše? Gomme o rile, “Ke ka tsela yeo re tla forago.” Kafao o ile tlase.

O rile—Modimo o rile, “O ne tumelelo ya Ka go ya.”

<sup>99</sup> Gomme o ile tlase le go tsena ka go baprofeta bale ba maaka, bodiredi bja go hlahlwa sekolong, gomme o ba dirile ba profete maaka. E be e le moya wa maaka o šoma go thato ya Modimo. Anke ke... Feela se sengwe gape le ka se bonago fa, feela motsotso. Šetšang se. Ke nyaka le phuthulleng le nna

go Bakorinthe ba Pele tema ya 5, temana ya 1, feela motsotsso. Bakorinthe ba Pele... Gomme šetšang se ge eba le nyaka go bona se sengwe, Modimo a dira se sengwe—kafao gore meboya yela ye mebe, ka fao gore ba tla—ba tla sepela... Go lokile, Paulo a bolela:

*Go begilwe ka go tlwaelega gore go ne mabohlotlolo magareng ga lena, gomme bjo bjalo mabohlotlolo gore ga go... bolelwe magareng ga Bantle,... (Le nagana eng ka seo magareng ga kereke?)... gore yo mongwe o swanetše go ba le mosadimogatša wa tatagwe.*

*Gomme le a ikgogomoša, gomme ga le ne... (A re boneng. Ke a dumela ke phetile matlakala a mabedi go...). Lena le—Gomme le a ikgogomoša, gomme bokaone ga la hlohlwa, gore... (Bjale, letang motsotsso fa. A ke... Ya, yeo ke mnnete. Ya)... hlohlwa... (Yeo ke yona.)... ikgogomoša, gomme ga se la... hlohlwa, gore yoo a dirilego tiro ye a ke a tlošwe magareng ga lena.*

<sup>100</sup> Ke ga ke tsebe. Ga ke dumele gore e ka ba ofe a ka bolelago ka go se goba go ripa morago, eupša ke no be ke šireletša se ke dumelago go sona: Ge motho a kile a tlatšwa ka Moya a ka se kgone go lahlegelwa ke Ona. Le a bona, le a bona?

*Gobane ruri ke, bjalo ka ge ke se gona ka sebele, eupša ke le gona ka moy, ke šetše ke ahlotše, o ka re ke be ke le gona, mabapi le yena yoo a dirilego bjalo tiro ye,*

*Leineng la Morena wa rena Jesu Kriste, ge le bothana mmogo, gomme moy, wa ka, ka maatla a mo Morena Jesu Kriste,*

*Go gafela yo bjalo go Sathane bakeng sa tshenyego ya nama, gore moy, o ke o phološwe mo letšatsing la Morena Jesu.*

<sup>101</sup> Modimo, a botša Kereke ye kgethwa, e lego Mmele wa Gagwe fa mo lefaseng, gore (bjale, se ke ka morago ga Testamente ya Kgale, ka go ye Mpsha) a botša monna yo a bego a le matšila le ditshila kudu magareng ga batho gore o phetše le mosadimogatša wa tatagwe mong. O rile, “Selo se sebjalo ka Mmeleng wa Kriste... Lena, Kereke, mo gafeleng go diabolo bakeng sa tshenyego...” Le a bona? Modimo o dumelela... Gomme ge A hweditše se sengwe A swanetše go se bona se dirilwe, go bea sefepi go yo mongwe, O tla lokolla moy, wo mobe go bona gore o tle o hlobaetše motho yoo le—le go ba tliša morago. Bjale, re hwetša monna ka morago ga...

<sup>102</sup> Yeo ke ye e lego taba ka dikereke lehono. Ge motho a etla ka Mmeleng wa Kriste le go ba yo mongwe wa maloko gomme a thoma go dira bobo, sebakeng sa lena bohole go tleng mmogo le go dira sona selo sa go swana se... Gomme lena, Branham Tabernacle, dirang seo. Gobane ge feela le mo emišeditše godimo, o ka tlase ga Madi. Gomme o no tšwelapele go direng selo sa kgale

sa go swana gantši le gantši le gantši nako yohle. Le tla mmogo gomme la mo gafela go diabolo bakeng sa tshenyego ya nama, gore moya wa gagwe o—boka—o ke o phološwe mo letšatšing la Morena. Gomme šetšang sefepi sa Morena se tsena. Šetšang diabolo a mo swaraswara. Woo ke moya wo mobe o mo swara.

<sup>103</sup> Le mošemane yo fa a otlolotšwe. O tla morago. Re hwetša ka go Bakorinthe ba Bobedi moo ka kgonthe a hlwekišitšego pele ga Modimo.

<sup>104</sup> Lebelelang Jobo, monna wa go phethagala, monna wa go loka. Gomme Modimo o dumelatše diabolo yo mobe go tla godimo ga gagwe, le go mo hinahina, le se sengwe le se sengwe gape bakeng sa go phethagatšwa ga moya wa gagwe. Le a bona? Kafao meboya ye mebe e ne... Modimo o šomiša meboya ye mebe makga a mantši go phethagatša polane ya Gagwe le thato ya Gagwe.

**95.** Bjale, ye nngwe še yeo e lego segomarelo ka kgonthe. Potšišo (Ke a nagana ke motho wa go swana, gobane go bonala boka mongwalo wa go swana); **Ge motho a swanetše go ba le Moya wo Mokgethwa go ba—ba le Moya wo Mokgethwa go sokollwa go yeng tlhatlogong, seemo sa bana bao ba hwilego pele ga mengwaga ya boikarabelo e tla ba eng? Gomme ba tla tsoga neng?**

<sup>105</sup> Bjale, ngwanešu wa ka, kgaetšedi, nka se kgone go go botša seo. Ga go na Lengwalo go yona ka Beibeleng bjalo ka ge ke kgona go hwetša e ka ba kae. Eupša nka kgona go hlagiša dikgopoloo tša ka. Bjale, se se tla tiisa lena bao le dumelago go mogau wa Modimo. Le a bona, motho o nyaka go tseba (e lego potšišo ye botse. Le a bona?) motho o nyaka go tseba se tsogo—go tla diragala eng go lesea, gore ge a swanetše go ba le Moya wo Mokgethwa gore a ye tlhatlogong... Bjalo ka ge ke boletše, yeo ke nnete. Yeo ke go ya ka Beibele. Yeo ke thuto ya Lengwalo. E sego go se ye Legodimong... Gobane Moya wo Mokgethwa o tladište batho ke tsogo ya pele, Bakgethiwa. Gomme mašalela a bale... Bahu ka moka ga se ba phela lebaka la mengwaga ye sekete. Ka morago ga Miliniamo, morago tsogo ya bobedi, kahlolo ye kgolo ya Terone ye Tšhweu. Le a bona? Leo ke lenaneo la Beibele tlwa. Eupša motho yo o nyaka go tseba go reng ka ga masea a. Bona... Ka mantšu a mangwe, a ba bile le Moya wo Mokgethwa pele ba tswalwa? A ba O amogetše? Bjale, seo ga ke kgone go le botša.

<sup>106</sup> Eupša bjale, anke re bolele ka mokgwa wo: Re tseba gore masea ao a hwago, go sa kgathalege ka ga batswadi ba bona, ba phološitšwe. Bjale, ke ganana le sekolo sa baprofeta go seo. Ba rile ge eba le be le le—hwile ka motswadi a bego a le wa sebe, gore lesea lela le tla ya heleng, la bola; go ka se sa ba selo go lona. Gabotse, Jesu... Johane o rile ge Jesu a etla “Bonang Kwana ya Modimo yeo e tlošago sebe sa lefase.” Gomme ge eba lesea lela le

be le le motho, le bego le swanetše go tla ka tlase ga dikahlolo tša Modimo, gomme Jesu o hwile go tloša sebe, sebe sohle se rakilwe pele ga Modimo ge Jesu a hwile bakeng sa morero woo. Dibe tša lena di lebaletšwe. Dibe tša ka di lebaletšwe. Gomme tsela e nnoši o ka tsogego wa lebalelwā ke go amogela tshwarelo ya Gagwe. Bjale, lesea ga le kgone go amogela tshwarelo, kafao ga se le dire selo. Ga se le dire selo le gatee. Kafao ka phethagalo le lokologile go ya Legodimong.

<sup>107</sup> Eupša o tla re, “A ba tla ya tlhatlogong?” Bjale—bjale, le ke lentšu la ka; ye ke kgopoloy a ka bjale. Le se... Nka se kgone go netefatša se ka Beibele. Eupša lebelelang. Ge Modimo, pele ga motheo wa lefase, a tsebile motho yo mongwe le yo mongwe a ka tsogego a ba lefaseng... A le dumela seo? O tsebile tšošwane ye nngwe le ye nngwe, letsetse le lengwe le le lengwe, ntšhi ye nngwe le ye nngwe, O tsebile se sengwe le se sengwe seo se tla tsogego se bile lefaseng. Ge eba a tsebile seo...

<sup>108</sup> Lebelelang. A re tšeeng mohlala, Moshe. Ge Moshe a belegwa, o be a le moprofeta. Pele Jeremia... Modimo o boditše Jeremia, “Pele ebole o ka bopega ka popelong ya mmago, pele ebole o ka bopega popelong ya gagwe, Ke go tsebile, le go go kgetha, le go go beela moprofeta go ditšhaba.” Johane Mokolobetši, mengwaga ye makgolo a šupago le lesomepedi pele a belegwa, Jesaya o mmone ponong, o rile, “Ke segalontšu sa yena a goeletšago lešokeng.”

<sup>109</sup> Kgethelopele goba tsebelopele ya Modimo e tseba tšohle ka ga masea a mannyane (le a bona?), ke eng ba bego ba eya go e dira. Gomme o tsebile ba tla hwa. O tsebile. Ga se gona se ka diregago ntle le Modimo a tseba ka ga sona. Ga se gona se ka go direga go... Feela boka Modiša wa go Loka, ka fao A yago ka... Bjale, go tšeа se ka Lengwalo, nka se kgone go re Lengwalo le bolela bjalo le bjalo. Ke no be ke e tšeа bakeng sa kgopoloy a ka.

**96.** Bjale, potšišo ya go latela ke yona ke naganago gore mohlomongwe yo mongwe o be a le se ke se boletségo bošego bjo bongwe. **Hhaloša mosadimogatša a phološwa ka go belegeng ngwana.**

<sup>110</sup> Mosadimogatša ga a phološwe ka go belegeng ngwana. Eupša a re phetleng bjale go Timotheo wa Pele 2:8 feela motsotsso. Gomme a re no hwetšang se Beibele e se bolelagoo ka ngwana. Bjale, ke a lemoga yeo ke thuto ya Katoliki, gore Katoliki e re mosadi o phološwa go belegeng ngwana, ka go belega ngwana. Eupša a re se... ga ke dumele seo. Timotheo wa Pele tema ya 2, gomme a re thomeng go temana ya 8, le go bala feela nakwana bjale. Go lokile, theetšang.

*Ka mokgwa wa go swana gape, gore ba lena basadi  
ba apare bonabeng ka diaparo tša go hlomphega...  
(Ga ra swanela go botšiša seo, a re? Theetšang se.)...  
ka boitlhopho... (Ehu!)... le bohlweki; e sego ka go*

loga *moriri* wa *gagwe*, *goba gauta*, *goba dipheta*, *goba diaparo tša go turwa*; (Baena, ke a le *thuša fa*, ke a *holofela*. Diponete tšohle tše mpsha tša letšatši le lengwe le le lengwe *goba matšatši* a *mararo*. Le a bona? Seo ga sa *swanela Bakriste*.)

*Eupša (go swanetšego basadi ba ba ipolelago bomodimo) ka mediro ye mebotse.*

*Anke basadi ba lena ba ithute ba ikhomoleša ka go ipoetšeng gohle.*

*Eupša ga ke dumelele mosadi go ruta, goba go tšeamaatlataolo godimo ga...monna, eupša go ba go...homola.*

*Ka gore Adama o bopilwe pele, gomme morago Efa.*

*...Adama ga se a forwa, eupša mosadi ge a forilwe o bile ka karogong.*

*Le ge go le bjalo o tla phološwa ka go belegeng ngwana ge... (Bjale, ga a bolele go mosadi wa lefase, go beng le masea)...ge a tšwelapele ka tumelo... (Le a bona? Ge a tšwelapele. O šetše... Yoo ke mosadi a bolelago ka yena, mosadi yoo a šetšego a phološitšwe. Le a bona?) ...le lerato le bokgethwa ka bohlweki bjhohle.*

<sup>111</sup> E sego ka go beng le lesea go mo dira a phološwe, eupša ka lebaka la gore o godiša bana, a dira mošomo wa gagwe, e sego go godiša dikatse, dimpša, le e ka ba eng gape go tšeа legato la ngwana, boka ba dira lehono, a le fa lerato la mme gore a kgone go ya ntle le go tsekella bošego bjhohle. Batho ba bangwe ba dira seo. Tshwarelo, eupša ba a e dira. Seo ke bošoro gampe go nna go bolela, eupša therešo ke therešo. Le a bona? Ga ba nyake lesea go tlemelelwa fase ka lona. Eupša go belegeng ngwana, ge a tšwelapele ka tumelo, bokgethwa le bohlweki bjhohle, o tla phološwa. Eupša *ge* ke, o tla phološwa le wena, *ge* o tswetšwe gape. O tla o ka kgona go fodiswa *ge* o dumela. O ka amogela Moya wo Mokgethwa *ge* o O dumela, wa ba komana bakeng sa Ona, *ge* o le komana bakeng sa Ona. Gomme o tla phološwa *ge* a tšwelapele go direng dilo tše (le a bona?), eupša e sego gobane yena ke mosadi. Kafao yeo e lokile, ngwanešu, kgaetšedi. Ga se thuto ya Katoliki le gannyane. Bjale ke nyaka... Ye nngwe še e lego yona e a gomarela. Morago re ne ye nngwe gape. Ke a nagana mohlomongwe re ne nako bakeng sa yona. Ke nno tšeа nako ya rena. Bjale, ye e no ba—ye e no ba ditlamorago tša tsošeletšo. Ye ke ditlamorago tša kopano, dipotšišo tše.

97. Bjale: **Ngwanešu Branham** (e tlantšwe), a ke ka **Lengwalo go motho go bolela ka maleme le go hlatholla molaetša wa gagwe mong?** **Ge go le bjalo, hle hlaloša. Bakorinthe ba Pele goba Bakorinthe 14:19 le gape Bakorinthe 14:27.**

<sup>112</sup> Go lokile, a re yeng godimo go Lengwalo leo gomme re bone se le se bolelago. Gomme gona re tla bona ge eba re boloka se Lengwalong. Re nyaka ka mehla go ba Lengwalong. Gomme Bakorinthe 14. Bjale, motho o nyaka go tseba ge eba ke Lengwalong go motho go hlatholla molaetša wa gagwe mong woo a o boletšego ka maleme. “Ge eba go bjalo, hlaloša Bakorinthe 14:19.” A re boneng, 14 le 19. Go lokile, ke renab.

*Efela ka dikerekeng ke... bokaone bolela mantšu a mahlano ka kwešišo ya ka, gore ka segalontšu sa ka nke ke rute ba bangwe gape, go phala dikete tše lesome... ka... maleme a šele.*

Bjale, ya go latela ke temana ya 27, ba nyaka go tseba.

*Ge motho e ka ba ofe a bolela ka leleme le šele, anke go be ka bobedi, goba go... bontši ka boraro, gomme yeo ka tlhatlamano; gomme anke yo mongwe a hlatholle.*

<sup>113</sup> Bjale, ke tsea se motho a lekago go fihla go sona (se ke nyakago—ke ya go le balela se sengwe feela nakwana.) Eupša ke nagana se ngwanešu goba kgaetšedi a lekago go fihla go sona, “A go lokile go motho yoo a bolelago ka maleme gape go hlatholla molaetša woo a o boletšego?” Bjale, mogwera morategi wa go ratega, ge o ka no bala temana ya 13 ka go tema ya go swana, e tla go botša:

*Kagona anke yena yoo a bolelago ka leleme le šele a rapele gore a ke a hlatholle.*

<sup>114</sup> Kgonthe. A ka hlatholla molaetša wa gagwe mong. Bjale, ge re no... A re nong... Gabotse, lena... Balang yohle ya yona, gomme le tla bona Yona ke... Nno balang tema ka moka. Ke ye botse kudu, e a e hlaloša.

<sup>115</sup> Bjale, go boleleng ka maleme... Bjale, ge re sa le go yeo, gomme ye e theipilwe, ke nyaka go bolela gore ke dumela feela bontši go go boleleng ka maleme bjalo ka ge ke dumela go phodišo Kgethwa, le ko—ko kolobetšo ya Moya wo Mokgethwa, go tla la bobedi ga Kriste, le maatla a lefase le le tlago; ke dumela feela bontši bjalo ka go seo bjalo ka ge ke dumela, eupša ke dumela go bolela ka maleme go ne lefelo la gona feela boka go tleng ga Kriste go ne lefelo la gona; phodišo Kgethwa e ne lefelo la yona; se sengwe le se sengwe se ne lefelo la sona.

<sup>116</sup> Bjale, go lena batho, ke ne sebaka go bolela se bjale, gomme ke tla rata go se hlaloša. Gomme ge ke gobatša e ka ba ofe, ga ke e re. Ga ke re go hlola tlhakatlhakano. Eupša theetsang. Se e bilego bothata ka go boleleng ka maleme a šele ke batho ba Pentecostal (ke lego nnamong; ke Mopentecostal. Le a bona?)... Bjale, se e bilego bothata ke se: gore ga ba go hlomphe. Gomme selo se sengwe, ba no go tlogela go eya ka go phopholetša. Ga ba tle morago go Lentšu.

<sup>117</sup> Bjale theetšang. Tsela še—anke—tsela še ye kereke e beakantšwego. Bjale, ka kerekeng ya Pentecostal, ge nkabe ke diša kereke ye, ke tla le botša ka fao nka bego ke e beakantšego (le a bona?), ge nkabe ke le—ke tla ba fa nako yohle go e diša. Ke be ke tla itswalanya le mpho ye nngwe le ye nngwe ka Beibeleng. Ka botša badumedi pele go kolobetšwa ka go Moya wo Mokgethwa. Gomme morago, mpho ye nngwe le ye nngwe ya Bakorinthe 12 e tla be e šoma ka kerekeng ya ka, ge nka kgona go ba tliša ka fale, mmele ka moka o šoma.

<sup>118</sup> Bjale, ge le ka hlokomela . . . E sego go dira ditshwayo bjale. Gomme elelwang, ke be nka se bolele lentšu le tee kgahlanong—nka no rogaka Moya wo Mokgethwa. Gomme Modimo o a tseba nka se bolele seo phošo. Le a bona? Eupša ke no bolela se go leka go le fa mmono wa Lengwalo ka morago ga ge ke ithutile lona bjale tekano ya e nyakile mengwaga ye masomepedi. Ke be ke rera e nyakile lebaka la mengwaga ye masometharo. Gomme ke nno bile go kgabola se sengwe le se sengwe, ke nno phuleletša; le ka eleletša se se bilego boka sona. Le go šetša monna yo mongwe le yo mongwe, le thuto ya bona, lefaseng gohle. Le go e tšeа gobane ke kgahlego ya ka. Ke kgahlego ya batho ka ntle ga ka mong. Ke swanetše go tloga fa. O swanetše go tloga fa. Gomme ge nka ya bjalo ka moprofeta wa maaka, ke tla lahlegelwa ke soulo ya ka mong le go lahlegelwa ke tša lena le nna. Kafao ke bontši go fetiša—ke bontši go fetiša borotho bja tšatši ka tšatši; ke bontši go fetiša botsebalegi; ke bontši go fetiša e ka ba eng gape; ke bophelo go nna. Le a bona? Gomme ke nyaka ka mehla go ba go hlomoga gwa go teba kudu.

<sup>119</sup> Bjale, o ya ka kerekeng ya Pentecostal, selo sa pele . . . (Ga ke re bohole ba bona. Ba bangwe ba . . .) Nako ye ntši o tsena ka kerekeng le go thoma go rera; ge o sa rera, yo mongwe o tla phagama gomme a bolela ka maleme. Bjale, motho yola a ka no be ka kgonthe a tletše ka Moya wo Mokgethwa, gomme wola o ka no ba Moya wo Mokgethwa o bolela ka motho yola, eupša selo sa yona ke, ga se ba hlahliwa. Ge bodiredi bjo mo sefaleng bo le ka tlase ga tšhušumetšo bo bolela, moya wa baprofeta o laolwa ke moprofeta. Le a bona? “Anke dilo tšohle di dirwe . . .” Bjale, eyang godimo fa ka go Paulo gobaneng a bolela go re “ge yo mongwe a bolela,” le go ya pele . . . “ge a etla ka gare, go be go no ba tlhakatlhakano.”

<sup>120</sup> Bjale, ke be ke dira pitšo ya aletara, gomme yo mongwe o emeletše le go bolela ka maleme. Go no . . . Gabotse, bokaone o ka no lesa go dira pitšo ya aletara. E a emiša. Le a bona?

<sup>121</sup> Gomme morago, selo se sengwe. Boati bja dinako batho ba tla emeleta gomme ba bolela ka maleme, gomme batho ba a dula gomme ba sohla moti, ba lebelela gohle. Ge Modimo a bolela, homolang tuu, theetšang! Ge yeo e le Therešo, ge woo e le Moya wo Mokgethwa o bolelagoo ka motho yola, o dula go homola le go theetša, eba tlhomphokgolo. Tlhathollo e ka no tla go wena. O a

bona? Dula go homola; theetša bakeng sa tlhathollo. Bjale, ge go se ne mohlatholli ka kerekeng, gona ba swanetše go homola ka Mmeleng.

<sup>122</sup> Gomme gona, ge ba bolela ka leleme le šele, Beibele e rile, anke ba bolele go bonabeng go bona le Modimo. Yo a bolelago ka maleme a šele o a ikhola yenamong. Bjale, ao ke maleme a šele; dimmotwana, dipolelo tša go fapano. “Ga se bona selo,” o re... Eupša se se dirago lešata se ne tlhalošo. Eupša o... Ge phalafala e kwagala, o swanetše o tsebe se e kwagalago boka (...) go no e bukunya) goba o ka se tsebe o itokiše bjang wenamong bakeng sa ntwa. Gé e ka ba mang a bolela ka maleme, gomme feels “klakla”; seo ke sohle se lego go yona, ke mang a tsebago a dire eng. Eupša ge e thoma go *bukunya*, seo se ra “tsogang!” Ge e gala *boriba*, seo se ra “patlamang.” Le a bona? Ge e gala hlasela seo se ra “*hlaselang*.” E swanetše go fa tlhalošo, gomme e se go feels go no bolela o nnoši. Kafao ka kerekeng, ge go se ne mohlatholli, eupša gore go ne mohlatholli, gona maleme ke se e logo sa kereke.

<sup>123</sup> Bjale, go potšišo ya gago, mogwera morategi, yeo e rego, “Bokaone ke bolele dikete tše tlhano... mantšu a mahlano ka, gomme gore batho ba nkwešiše go phala dikete tše tlhano (goba e ka ba eng gape e bolelago) ka leleme le šele.” Yeo ke therešo. Eupša balang go theoga: “...ntle le ge e ka ba ka kutollo goba ka tlhathollo go godišeng.” Le a bona? Go godišeng.

<sup>124</sup> Bjale, ke tla no ba mokgwa wa go le fa kakanyo e nnyane go ka reng ge—eng... Ge nka be ke diša kereke ye yeo e tlago, ge Modimo a ka mpiša go e diša, tsela še ke tla e sepedišago: Ke tla leka go hwetša motho yo mongwe le yo mongwe ka fale yoo a bilego le mpho. Gomme ke tla ba le batho bale go kopana e ka ba iri pele tirelo e ka tsoge ya thomišwa, ka kamoreng go bonabeng. Anke ba dule ka tlase ga Moya. Gomme selo sa mathomo le a tseba, yo mongwe o tla tlase, o ne mpho ya go bolela ka maleme. Gomme o bolela ka maleme. Yo mongwe le yo mongwe o a homola. Gomme morago yo mongwe o phagamel godimo le go hlatholla se a se bolelago. Bjale, pele seo se ka fiwa kereke, Beibele e re se swanetše go ahlolwa magareng ga dihlats tše pedi goba tše tharo. Bjale, yoo ke monna yo a nago le go hlatha ga moya (le a bona?), gobane boati bja nako maatla a mabe a tsena ka fale. (Le a bona?) Paulo o boletše ka yona. Eupša nako yeo, maatla a Modimo a ka fale le ona. Mpotseng ka phuthego moo bobe bo sa dulego. Mpotseng moo barwa ba Modimo ba kgobokanego mmogo moo Sathane a sego makgatheng ga bona. Ke se sengwe le se sengwe. Ka fao le se šunyalaleng yeo. Le a bona? Sathane o mogohle. Bjale, ke rena ba. Yo mongwe o bolela ka maleme. Bjale, go ne ba bararo ba dutšego fale bao ba nago le Moya wa go hlatha. Gomme yo mongwe o bolela ka maleme le go fa molaetša. Bjale, o ka se be o tsopola Lengwalo, gobane

Modimo ga a diriša dipoeletšo tša lefeela, gomme O re boditše go se ke. Le a bona? Kafao ga se seo. Ke molaetša go kereke.

<sup>125</sup> Re bile le dilo tše pedi ka go tsošeletšo ye bokgole bjo. Šetšang se ye nngwe le ye nngwe ya tšona e bego—go phethagala, go opa kgomo lenaka. Le a bona? Tsene ka gare. Monna o tee o emeletše, gomme o boletše ka maleme, gomme o file tlhathollo, gomme o swaetše thwi morago tikologong, gomme o hlatseditše molaetša wola woo o sa tšo go bolelwa. Yo mongwe o emeletše bosegong bjo bongwe, gomme o rile ka go—ka tlase ga tšhušumetšo ya seprofeto, gomme o boletše se sengwe, a sa tsebe se a bego a se bolela; gomme morago mo bofelong o boletše, “Wa lehlogenolo ke yoo a tlago ka Leina la Morena.” Ka pela se sengwe se ntshwerefere thwi ka pela gomme se rile, “Go sego bjalo wa lehlogenolo ke yo a dumelago gore ye ke Morena o tlie.”

<sup>126</sup> Le bona tlha—morago Moya wo Mokgethwa o wetše ka moagong bosegong bja go feta. Le a bona? Yeo ke bakeng sa go godiša. Ke be ke eme fale ke leka go botša batho gore ba swanetše go amogela Moya wo Mokgethwa. Gomme diabolo o be a tlie go dikologa batho, a re, “Se theetšeng; dulang le homole.”

Kgaetšedi wa ka o rile, “Bill, ke be ke thabile kudu ge o be o rera; ke ikwetše boka nkabe ke rutlokogetše godimo le go taboga go kgabola leboto.”

Ke rile, “Rutlomologela godimo gomme o taboge.” Seo ke sohle.

Gomme o rile, “Eupša ge o ile go direng sela,” gomme o rile, “batho ba thoma go goeletša,” o rile, “nako yeo ke no ikwela boka ke be ke se selo sa kgale.”

<sup>127</sup> Ke rile, “Yoo ke diabolo. Yoo ke Sathane. Ge a etla go dira seo,” ke rile, “nkabe o rutlologile go le bjalo.” Re baprista go Modimo, re dira tša semoya dihlabelo—dihlabelo, dikenywa tša dipounama tša rena go fa theto go Leina la Gagwe. Le a bona?

<sup>128</sup> Bjale, bjale, sese se se diregilego. Nako yeo Moya wo Mokgethwa o phunyegile, gobane yeo e be e no ba... “Wa lehlogenolo ke yo a dumelago.” A mabedi, mašego a mararo ka go otlologa ke lekile go ala seo ka fale; gomme morago, Moya wo Mokgethwa o boletše gomme o rile (ka tlase ga tšhušumetšo) o rile, “Wa lehlogenolo ke yoo a tlago ka Leina la Morena.” Gomme pele nka bolela e ka ba eng, ke be ke šetše ke e boletše. “Wa lehlogenolo ke yo a dumelago Morena o tlie ka go se.” Le a bona? Gomme ke be ke sa bolela se, Moya wo Mokgethwa ke Modimo Yenamong ka go wena. Le a bona? Gomme ba e swere. Le a bona? Gomme nako yeo Moya wo Mokgethwa o wetše magareng ga batho. Bonang ka fao O—O godišago, seprofeto?

<sup>129</sup> Bjale, go ne phapano magareng ga seprofeto le moprefeta. Seprefeto se ya go tloga go yo motee go ya go yo mongwe, eupša moprefeta o tswetšwe go tloga pelegong moprefeta. Ba ne O RIALO MORENA! Ga go go ba ahlola. Ga o bone ba eme

pele ga Jesaya, goba Jeremia, e ka ba ofe wa bona baprofeta, gobane ba bile le O RIALO MORENA! Eupša moya wa seprofeto magareng ga batho; le swanetše go šetša woo, gobane Sathane o tla ngwegela ka fale. Le a bona? Bjale. Eupša se swanetše go ahlolwa.

<sup>130</sup> Bjale, re—re ya go ba le tsošeletšo. Bjale, šetšang se kgauswi ka kgontha bjale, lena badiredi. Re lokišetša tsošeletšo. Go lokile. Goba mohlomongwe re no ba le tirelo ya mehleng ya kereke. Kereke e a tuka. E swanetše go ba ka nako yohle. Gabotse, mohlomongwe re ne batho ba bahlano goba ba tshelelagao bao e lego batho ba ba filwego; yo motee ka maleme, ba babedi goba ba bararo mohlomongwe ba bolela ka maleme, ba bane goba ba bahlano ka maleme, ba ne mpho ya maleme, ba bolela ka maleme a šele. Ba babedi goba ba bararo ba bona ba kgonago go hlatholla. Mohlomongwe go ne o tee—ba babedi, goba ba bararo ba bona bao ba nago le dimpho tša bohlale. Go lokile. Bohle ba a kopana, batho bale ba filwego . . . Lena . . . Tšona dimpho le di filwe e sego go bapala ka tšona, e sego go re, “Letago go Modimo, ke bolela ka maleme! Haleluya!” Le tla—le—le a inyenyeftaša lenabeng. Tšona di, le filwe go šoma ka tšona. Gomme karolo ya lena ka kerekeng e swanetše go tla pele ka ge tirelo kgolo e thoma, gobane moserutege o ya go ba magareng ga renat.

<sup>131</sup> Gona le ya thoko ka kamoreng, gomme le dula fale, lena batho mmogo, gobane le bašomišani ka go ebangedi. Gona le dula fale. “Morena a go ne e ka ba eng O nyakago re e tseba bosegong bjo? Bolela le rena, oo, Tate wa legodimong,” le neela thapelo, dikolomelo; le opela dipina. Thwi Moya o a theoga, o wela go yo mongwe, o bolela ka maleme. Yo mongwe o a emeleta gomme o rile, “O RIALO MORENA.” Ke eng? Theetšang. “Eyang le botše Ngwanešu Jones go tloga lefelong moo a dulago, ka gore gosasa morago ga sekgalela go ya go ba le ledimo le swiela naga yela; gomme le ya go tše ntlo ya gagwe. A tsee diphahlo tša gagwe gomme a tšabe!”

<sup>132</sup> Bjale, seo—seo se kwagala gabotse. Eupša letang motsotsso. Go swanetše go be monna ba bararo fale bao ba nago le Moya wa go hlatha. O tee wa bona o re, “O be o le wa Morena.” Yo mongwe o re, “O be o le wa Morena.” Bao ke tše pedi goba tše tharo—dihlatse tše pedi goba tše tharo. Go lokile. Ba ngwala seo fase go ntsekana ya lephephe. Ke seo Moya o se boletšego. Go lokile. Ba boela morago go rapela, ba leboga Modimo.

<sup>133</sup> Ka morago ga nakwana, “O RIALO MORENA (moprofeta o a phagama) O RIALO MORENA, bosegong bjo, go tšwa New York City go tla ba mosadi; o godimo ga leako; o tla tla ka moagong godimo ga leako. O ne sekhafo se setalamorogo go dikologa hlogo ya gagwe. O hwa ka kankere. Se se hlotšego a be ka tsela ye, Morena a swere kgahlanong le yena—nako ye nngwe o utswitše tšelete go tšwa Kerekeng ya Gagwe ge a be a le bogolo bja mengwaga ye lesometshela. Botšang Ngwanešu Branham

go mmotša dilo tše. O RIALO MORENA, ge a ka lokiša seo, o tla fodišwa." Letang motsotso. Seo se kwagala botse gampe, eupša letang motsotso. O ya go bea leina la gago go lephephe le, mohlathi? A o ya go bea leina la gago?

<sup>134</sup> "O be o le wa Morena." O tee o rile, "O be o le wa Morena." Gona—gona le e ngwala fase, "O RIALO MORENA, bošegong bjo go tla ba mosadi a etla ka gare, selo se *sebjang bjang*." Yola ka moya wa go hlatha, ba babedi goba ba bararo ba bona ba saena leina la bona go yona. Melaetša yohle ye e filwe. Go lokile.

<sup>135</sup> Gona ka morago ga nakwana ba thoma go kwa pele e lla. Kereke e a thomisa. Morago ba tliša melaetša ye, ba e bea thwi fa mo teskeng. Thwi fa moo di swanetšego go be di letše. Ke thoko felotsoko ke ithuta, ke rapela. Ka morago ga nakwana ke sepelela ntle ka morago ga ge dipina di opetšwe. Kereke yohle e lenaneong, batho ba a tla, ba dula, ba naganisa, ba rapela; ke seo le swanetšego go se dira. E sego go tla kerekeng le go bolela seng sa lena, etlang kerekeng go bolela le Modimo. Ebang le kopanelo ya lena ka ntle fale. Le a bona? Re kopanelo le Modimo bjale. Gomme re tla fa re bolela, se sengwe le se sengwe tuu, ka tlhomphokgolo, Moya o sepela. Rapiano o tla go piano e ka ba metsotso e mehlano pele ga ge tirelo ya pina e thoma, o thoma gabose ka kgonthé:

Tlase sefapanong mo Mophološi wa ka a  
hwilego,  
Tlase fale bakeng sa go hlwekišwa go tloga go  
sebe ke goeeditše, . . .

Goba pina e rilego e bose gabotse, ka setu ka kgonthé. E tliša Bogona bja Moya wo Mokgethwa ka kopanong. Le a bona? Go lokile.

<sup>136</sup> Batho ba dutše fale. Ba bangwe ba bona ka kgonthé ba—thoma go lla le go tla godimo go aletara, ba sokologa pele tirelo e ka tsoge ya thoma. Moya wo Mokgethwa o fale. Le a bona? Kereke e swerwe ke lešoko. Bakriste ba a rapela; ba hweditše maemo a bona. Ga ba dula fale ba sohla moti, ba re, "Hei, Liddie, mphe ye nngwe ya maroilepe a gago; ke nyaka . . . O a tseba. O a tseba. Ke hloka . . . O a tseba, letšatši le lengwe ke be ke le tlase fale ke reka, ke a go botša, ke nyakile ke go gatile menwana ya gago. A nkile ka bona ye bjalo . . . O nagana eng ka seo?" Oo, kgaogelo! Gomme la e bitša ngwako wa Modimo. Gobaneng, ke dihlong. Mmele wa Kriste o etla mmogo. Re dutše fale.

Monna a dutšego hleng, "E re, o a tseba ge re ile godimo fale, yo *semangmang* le *semangmang* . . ." Seo se lokile ka ntle, eupša ka fa ke ngwakong wa Morena.

<sup>137</sup> Tlang ka gare le rapela; tšeang maemo a lena. Ke a bolela bjale, e sego go dikereke tša lena, baena. Ga ke tsebe se le se dirago; ke bolela le tabarenekele ye. Ke bolela le mojako wa morago wa ka mong. Le a bona? Yeo e lokile.

<sup>138</sup> Bjale, ge le etla ka gare ka mokgwa woo, gona selo sa mathomo le a tseba, modiša o sepelela ntle. Ke yo monanana. Ga se a swanelo go be a araba *se, seo*, goba *se sengwe*. O tla thwi go tšwa pho—pho phokeng ya bodiredi bja gagwe. O bile ka tlase ga maatla a Moya wo Mokgethwa. O sepelela thwi ka go fao maleme a mantši a mollo a kgobokanego mmogo. Bjale e nyakile e eba pilara bjale (le a bona?), o sepela tikologong. O sepelela ntle fa, o topa se. “Molaetša go tšwa kerekeng: ‘O RIALO MORENA, Ngwanešu Jones go tloga ngwakong wa gagwe. Gosasa morago ga sekgalela ka iri ya bobedi ledimo le tla swiela naga ya gagwe. A tsee dilo tša gagwe gomme a tšabé.’” Ngwanešu Jones o hwetša seo. Go lokile. Yeo e rekotong. “O RIALO MORENA, go tla ba mosadi ka leina la *Semangmang* a tla tlago ka fa bošegong bjo, gomme go bile—o dirile *bjalolebjalo*.” (Boka ke sa tšo bolela, le a bona, ka mokgwa wola.) Go lokile, yeo e fedile. Yeo ke yona. Ba šetše ba hweditše maemo a bona bjale ka kerekeng. Go lokile.

<sup>139</sup> Morago o tšea molaetša. Gomme selo sa pele le a tseba, o thoma go rera. Go se be selo go tsenatsena; šetše e diregile. Bjale, re ya pele, re rera molaetša.

<sup>140</sup> Gomme ka morago ga nakwana ge... Selo sa mathomo le a tseba ge molaetša o fedile, mothalo wa phodišo o a thoma. Mosadi šo o a tla. Yo mongwe o boletše ka maleme gomme o rile o be a etla. Le a bona? Yo mongwe le yo mongwe wa rena o tseba se se yago go direga. Yo mongwe le yo mongwe wa rena o a e tseba. Le bona ka fao tumelo e thomago go aga ka ona maleme a mollo a eme godimo ga lena bjale. O thoma go atafala mmogo. Gobaneng, e no ba mošomo wo o fedilego; ke sohle.

Mosadi yola... Ke tla re, “Mdi. *Semangmang*, go tšwa New York City, a dutšego fa...” Le a bona?

“Oo, yeo ke nnete. O tsebile seo bjang?”

“Ke molaetša go tšwa go Morena go kerekeng. Ge o be o le bogolo bja mengwaga ye lesometshela, a e be e se wena lefelong *le rilego le rilego* gomme o dirile—tšere tšelete tsoko go tšwa kerekeng, gomme o e utswitše, gomme o tšwile, gomme wa hwetša diaparo tše mpsha ka yona?”

“Oo, yeo ke nnete. Yeo ke nnete.”

“Seo ke tlwa se Modimo a re boditšego bošegong bjo ka Ngwanešu *Semangmang*, o boletše ka maleme; Ngwanešu *Semangmang* o hlatholotše; Ngwanešu *Semangmang* fa o rile, wa tlhatho, o rile e be e etšwa go Morena. gomme yeo ke therešo.”

“Ee!”

“Gona, O RIALO MORENA, eya o e lokiše, gomme o tla fenyakankere ya gago.”

<sup>141</sup> Ngwanešu Jones o ya gae, o tšea karikana, a bothela, o tšea fenišara ya gagwe, gomme o tloga fale. Ka iri ya bobedi gosasa morago ga sekgalela: Whii! selo ka moka se a ya. Le a bona?

Gona kereke e tagafatša . . . “Re a leboga, Morena Jesu, bakeng sa go loka ga Gago.” Bjale, seo ke se se lego, go godiša, bakeng sa kereke.

<sup>142</sup> Bjale, go ka reng ge go sa direge ka morago ga ge ba e boletše? Gona le ne moya wo mobe magareng ga lena. Ga le nyake selo sela se sebe. Gobaneng le nyaka se sengwe se sebe mola ma—ma mafaufau a tletše ka kgonthe ya Pentecostal? Se tšeeng kemedi ya kgale go tšwa go diabolo. Hwetšang se sengwe sa kgonthe. Modimo o ne sona bakeng sa lena. Gona le se sa ba le dikopano gape, gomme le beeng e ka ba eng godimo fa, go fihla Modimo setše a hlatsela gore le nepile, gobane le mothuši wa kereke mo go šomeng ga Ebangedi. Bjale, le a e kwešiša se e lego?

<sup>143</sup> Gomme maleme, maleme a šele . . . Ga go motho a—tsebago se a bolelago ka sona. O a bolela; eupša modumo wo mongwe le wo mongwe o ne tlhalošo. Woo o ne tlhalošo [Ngwanešu Branham o phaphatha diatla tša gagwe—Mor.] “Kluk, kluk, kluk!” Yeo e—yeo ke—yeo ke polelo felotsoko.

<sup>144</sup> Ge ke be ke le ka Afrika, ga sa nke ka ke ka e dumela, eupša se sengwe le se sengwe seo se dirilego lešata se bile le mohuta tsoko wa tlhalošo go sona. Beibele e rile ga go modumo ntle le bohlokwa, ntle le tlhalošo. Modumo wo mongwe le wo mongwe woo o dirwago o ne tlhalošo tsoko go se sengwe. Gobaneng, ke tla kwa batho ba re . . . Ke tla re, “Jesu Kriste, Morwa wa Modimo.”

<sup>145</sup> Yo mongwe wa bona o tla ya [Ngwanešu Branham o dira modumo wa mohlatholli wa Moafrika—Mor.]. Yo mongwe a ya [Ngwanešu Branham gape o a bontšha.]. Gomme yeo e be e le, “Jesu Kriste, Morwa wa Modimo.” Le a bona? E bile le . . . Gomme ga se re selo go nna, eupša go bona e be e le polelo feela go swana le ge ke bolela le lena. Ge mohlatholli wa Sezulu, Sethosa, le Basotho, le e ka ba eng gape, a etla, wo mongwe le wo mongwe woo o boletšwego, yo mongwe le yo mongwe o kwešišitše. Gomme dilo tše tše le kwago batho ba ba no ngunanguna, gomme le nagana e no ba bontši bja go kolakoletša, ga se gona; go ne tlhalošo. Kafao re swanetše go o hlompha, go go bea maemong a gona.

<sup>146</sup> Bjale, mohlomongwe ga go na molaetša. Bjale, tirelo e fedile; pitšo ya aletara e dirilwe. Gomme ka morago ga nakwana yo mongwe (ga se go be le molaetša morago fale) yo mongwe o phagamela godimo bjalo ka ge ba hwetša sebaka. Moya wo Mokgethwa . . . Bjale, Beibele e rile, “Ge go se na mohlatholli, anke a homole.” Ga go kgathelege go leka gampe gakaakang go bolela, homola.

<sup>147</sup> O re, “Ga ke kgone go dira.” Beibele e rile o ka kgona. Le a bona? Kafao seo—seo se a e ruma. Le a bona? Anke a homole.

<sup>148</sup> Gona ge e, sebaka se e tla moo se sengwe le se sengwe se lego lenaneong, gona ge Moya wo Mokgethwa o tabogela go yena go fa molaetša, gona o fe. Seo ke tlwa se o swanetšego go se dira.

Morago tlhathollo e a tla, e rile, "Go ne mosadi ka fa ka leina la Sally Jones (Ke a holofela ga go mosadi ka fa ka leina leo, eupša . . .) Sally Jones. (Le a bona?) Mmotše gore bjo ke bošego bja mafelelo bja go bitšwa ga gagwe. E lokiše le Modimo gobane o ne nako ye kopana o tla be a le gona." Bjale, Sally Jones o tla kitimela aletareng feela ka pela ka fao a ka go fihla fale (le a bona?), gobane ke go bitšwa ga gagwe ga mafelelo. Le a bona? Seo ke go fa molaetša, goba go hlatsatša, goba se sengwe.

<sup>149</sup> Yeo ke kereke ya Pentecostal mošomong. Ga go ne dikgonagalo go meboya ye mebe go ngwegela ka gare, gobane e šetše . . . Beibele e fa tlwa, "Anke e be ka go šielana, gomme yeo ka boraro; gomme anke ba babedi goba bontši ba ahlole." Yeo ke kereke. Eupša re e hwetša kae lehono? Tabogela godimo, maitirišo, go sega le go ya pele mola yo mongwe a bolela ka maleme; yo mongwe a lebeletše, a bolela ka ga se sengwe gape le go kgobokana tikologong; modiša a dira se sengwe; goba yo mongwe a kgobokana tikologong. Gabotse, seo ga sa loka. Mohlomongwe modiša a rera, gomme yo mongwe a emeleta le go mo tsenatsena ka go . . . Mohlomongwe a bala Beibele gomme yo mongwe . . . A bala Beibele, gomme yo mongwe morago fale a bolela ka maleme. Oo, aowa! Le a bona? Moreri godimo a rera phuluphithing, yo mongwe a emeleta le go mo tsenatsena, a bolela ka maleme. Go lokile. Ga ke re ga se Moya wo Mokgethwa, eupša le swanetše go tseba ka fao le šomišago Moya wo Mokgethwa (le a bona?), go O šomiša.

Bjale, ke—ke tšea . . . A le ne sekgora bakeng sa e tee gape? Gona, gosasa ke Lamorena. Gona, re tla . . . A re nong . . . E tee še. Ke a nagana ke ya mogau kudu. Gomme bjale, ge bohole le ka no nkgotlelela feela metsotsso e se mekae botolele, hle. Gomme gona, ke tla . . . Ke nyaka le—ke nyaka le hwetše ye. Ke bolokile ye ka morero. Ye ke ya ka ya mafelelo.

Bjale, sa pele, ke ya go bala dilo tše pedi tše motha a di botšištšego. E godimo ga ntsetlana ya kgale ya lephephe, e ngwadilwe ka mongwalo wo mobotse. Ga ke ne kgopolo e be e le mang, ga go leina le saennwego go—go e ka ba efe ya tšona.

**98. Ngwanešu Branham, a go lokile go badiredi go dira dikgogo tše telele bakeng sa tšelete ka ditirelong tša bona, ba bolela gore Modimo o ba boditše gore bokaalo bjo bokae ka go batheeletši ba swanetše go fa bokaalo bjo bokaakang? Ge ye e le nnete, ke nyaka go tseba. Goba ge e le phošo, ke nyaka go tseba. Se se ntshwentše o šiišago.**

<sup>150</sup> Bjale, o a bona, mogwera, ke ya go go botša, ke ya go go botša se ke se naganago. Le a bona? Bjale, seo ga se re e nepile. Ke a nagana se a šiiša.

<sup>151</sup> Bjale, ke nagana se. Modimo o nthomile tšhemong. Ke bone nako moo ke lebegilego boka ke tla ba bonnyane . . . Gomme ga—

ga se ke be le tšelete le gannyane. Gomme ke be ke tla re, “Nno fetiša poleti ya go koleka.”

Gomme molaodi o tla tla go nna gomme a re, “Lebelela, Billy, re kolota ditolara tše dikete tlhano bošegong bjo, Mošemane. A o ne tšelete ka Jeffersonville go se lefa?”<sup>152</sup>

<sup>152</sup> Ke be ke tla re, “Go lokile. Modimo o nthometše fa, goba nkabe ke se ka tla. (Le a bona?) Nno fetiša poleiti ya go koleka.”

Gomme pele kopano e fela, yo mongwe o re, “O a tseba, Morena o beile pelong ya ka go fa ditolara tše dikete tlhano go ye.” Le a bona, le a bona? Sa pele, hlahlwa go e dira.

<sup>153</sup> Ga ke dumele go go gogeng, le go kgopeleng, le go kgopediša tšelete. Ke nagana ke selo sa phošo. Bjale, ngwanešu, ge o e dira, anke ke se gobatše maikutlo a gago. O a bona? O—o ka no ba le tokelo ya tsela go tšwa go Modimo go e dira. Eupša ke bolela feela bakeng sa nnamong. Ga ke dumele go yona.

<sup>154</sup> Bjale, ebile ke tsebile ka ga badiredi ba eya gomme ba re... . Ke eme gabotse, e se kgale kudu... . Bjale, ye ga se Mapentecostal, ye ke... . Gabotse, ke dikereke (le a bona?), dikereke tše dingwe. Go bile go kopano ye kgolo ya kampa. Gertie, o be o ne nna, ba bangwe ba bantsi ba gona. Gomme ba tšere morago ga sekgaleta ka moka go kerekelinea ya go tuma—ba babedi goba ba bararo ba bona mmogo (tše ke tša mehleng dikere tša mehleng, boka dikereke tša rena tša sebjalebjale fa ka toropongkgolo, le go ya pele) khonferenseng ye kgolo—gomme ba tšere morago ga sekgaleta ka moka, ba eme sefaleng—gomme ba tšošetša bale gore Modimo o tla senya dibjalo tša bona, o tla neela bana ba bona go pholio, le dilo boka tše, ge ba sa neele ka go kopano yela. Yeo ke therešo tlwa, ka Beibele ye pele ga ka. Ke rile, “Ke thogako go Modimo le go balatedi ba Gagwe.” Ge Modimo a go roma, O tla go hlokomela. Ge A se a go roma, gona lesa kerekelinea e go hlokomele gona. Eupša—eupša o... . Ge Modimo a go roma, O tla go hlokomela.

## 99. Go reng ka ga papadi ya Krisemose ka kerekeng ya Moya wo Mokgethwa?

<sup>155</sup> Gabotse, ge eba e le mabapi le Kriste, e ka no loka. Eupša ge eba e mabapi le Santa Claus, ga ke dumele go yena. Ke—ke setše ke godile—ke šetše ke godile go tloga go seo. Ga ke dumele go Santa Claus le gannyane. Le a bona? Gomme tše dingwe tša dilo tše dinnyane tše tša Krisemose ba nago tšona, ke a nagana ke nyefolo. Gomme... . Eupša ke a nagana ba ntšhitše Kriste ohle ka go Krisemose gomme ba beile Santa Claus ka go yona.

<sup>156</sup> Gomme Santa Claus ke kanegelo ya boikgopolelo. (Ga ke gobatše maikutlo a e ka ba mang, ke a holofela, mabapi le bana.) Eupša ke a le botša. Fa e se kgale kudu, e ka ba ye masomepedi tlhano, mengwaga ye masometharo ya go feta, ge modiša fa ka go toropokgolo ye, modiša wa—wa kereke ye e rilego ye kgolo fa ka go toropokgolo, yoo ke mo tsebilego kgonthe gabotse,

mogwera wa ka wa hlogo wa sebele, o sepeletše go nna. Gomme Charlie Bohannon, (Ngwanešu Mike, o elelwa Charlie Bohannon, mogwera wa ka wa go loka) . . . O dutše fale ka ofising ya gagwe gomme o rile, “Nka se tsoge ka botša digotlane tša ka goba go ba le ditlogolo tša ka di botšwa maaka ao gape.” O rile, “Mošemane wa ka mong yo monnyane o sepeletše go nna ka morago ga ge a bile e ka ba bogolo bja mengwaga ye lesomepedi, gomme go bolelwa ka Santa Claus . . .” Gomme o, o rile, “Gobaneng . . . Hani, ke ne se sengwe go go botša,” O rile, “Mama . . .” Le a tseba, le go ya pele go mmotša se a se dirilego.

Gona ka morago ga ge a boile morago, o rile, “Gona, Papa, a Jesu yo ke selo sa go swana?”

<sup>157</sup> Boleta therešo. Santa Claus ke sengwe sa Katoliki ka ga moisa, Kriss Kringle goba Mokgethwa Nicholas, mokgethwa wa kgale wa Mojeremane wa Mokatoliki wa mengwaga ye mentši ya go feta yo a ilego tikologong a dira botse go bana. Gomme ba e tšweditše pele bjalo ka motlwae. Eupša Jesu Kriste ke Morwa wa Modimo. Yena ke kgonthe, gomme O a phela.

Bjale, potšišo še, ya mafelelo, ye e lego kudu . . .

<sup>158</sup> Bjale lebelelang. Le ka no ganetšana le nna ka seo. Eupša ge o ganetšana le nna, elelwa, a e be ka segwera, a le tla? Ke a le rata, ga ke nyake go—nyake go le gobatša. Ke no ba, ke nyaka go botega. Ge nka se kgone . . . ge nka botša mošemane wa ka maaka, gona ke ramaaka. Le a bona? Ke nyaka go mmotša therešo.

<sup>159</sup> Bjale, ke mmotša ka ga Santa Claus, ke re, “Ya, kgonthe, go ne Santa Claus. Bogela papa bošegong bja Krisemose.” Le a bona? Ya.

<sup>160</sup> Le a tseba, letšatšing le lengwe ke be ke le tlase fale, gomme ke lekile sela go mosetsana yo monnyane feela go bona. Ka kgonthe ke hweditše letšatši la mogolo pele ga maabane. Ke be ke le ka moagong. Gomme ba be ba eme fale, tlase fale kua Quaker Maid. Gomme ke ile tlase fale go hwetša krosari. Gomme kafao rena, mosadimogatša le nna, re be re le ka fale. Gomme go be go ne mosetsana yo monnyane nthatana, o be a se e ka ba ka godimo ga bogolo bja dikgwedi tše lesomeseswai, gomme o be a eme fale, a eya, a opela, “Kweteng Dipele, Kweteng Dipele . . .” Gomme ke rile . . . Ka go emeng ga gagwe go gonnnyane, le a tseba, a dutše ka morago ga koloyana ye nnyane.

Ke rile, “A o nyaka Santa Claus?”

O rile, “Yoo ke papa wa ka, Morena.”

Ke rile, “Pelo ya gago e nnyane e šegofale, Hani. O ne bohlale.”

Bjale, ya go gomarela ka kgonthe še, bagwera. Gomme ka go ye . . . Morago ke tla tswalela. Oo, ke—ke Lengwalo la gabotse, eupša ke segomaredi go motho yo mongwe le yo mongwe yoo

a bonalago go ba. Gomme le nrathile lebaka la mengwaga le mengwaga; gomme feela ka mogau wa Modimo... Gomme mosadimogatša wa ka yo bohlokwa, a dutše thwi morago fale bjale, ge a kwele gore ke bile le potšišo yela morago ga sekgalela se, o rile, "Bill, o araba yeo bjang?" O rile, "Ka mehla ke maketše seo nnamong." O rile, "Ga sa nke ka kgona go le kwešiša." Gomme o rile...

Ke rile, "Theogela tlase bošegong bjo, Moratiwa. Ke tla dira bokaonekaone bja ka ka thušo ya Modimo."

### **100. Ngwanešu Branham, hle hlaloša Bahebere 6:4 go fihla go 6.**

<sup>161</sup> Leo ke lekga le tee ka kgonthe e... Le a bona, bjale le tla swanela go šetša fa go tumelo ya rena, mogau, tshireletšo ya badumedi, phegelelo ya bakgethwa, phegelelo, a ke re, ya bakgethwa. Bahebere tema ya 6, ya 4 go ya go 6.

Bjale, ka pela ge e... fetša ye, gona ke a holofela gore Modimo o tla nthuša go e dira go hlaka ka kgonthe go lena. Ke maswabi, ke—ke ne Molaetša wa ka bakeng sa bošegong bjo; mohlomongwe ke tla rera selo sa go swana mo mosong ka—ka tirelong. Morago ke tla be ke eya.

<sup>162</sup> Bjale, se ke segomaredi sa kgonthe. Le a bona? Bjale, le swanetše go šetša. Bjale elelwang, re dumela le go ruta kerekeng ye, e sego se sengwe le se sengwe se tlago godimo le go goeletša, se sengwe le se sengwe seo se bolelago ka maleme, se sengwe le se sengwe seo se šikinyago diatla le moreri, se ne Bophelo bjo Bosafelego. Eupša re dumela ge o ne Bophelo bjo Bosafelego, ge eba Modimo a go file Bophelo bjo Bosafelego, o ne Bjona neng le neng. Le a bona? Gobane lebelelang. Ge bo ka be bo se, Jesu o hwetšwa a le moruti wa maaka. Ka go Mokgethwa Johane 5:24, O rile, "Yo a kwago Mantšu a Ka gomme a dumela Yena yoo a Nthomilego o ne Bophelo bjo Bosafelego, gomme a ka se tle kahlolong, eupša o fetile lehung go ya bophelong." Bjale, ngangišana le Yena. "Bohle Tate a Mphilego... Ga go motho a ka tlago go Nna ntle le ge Tate a mo goga. (Ke tsopola Lengwalo.) Bohle bao ba tlago... Ga go motho a ka tlago go Nna ntle le ge Tate wa Ka a mo goga pele. Gomme bohle bao Tate wa Ka a Mphilego ba tla tla go Nna. (Le a bona?) Gomme bohle bao ba tlago go Nna, Ke tla ba fa Bophelo bjo Bosafelego (Mokgethwa Johane 6), gomme ke tla mo tsoša matšatšing a mafelelo." Ao ke mantšu a Gagwe.

<sup>163</sup> Bjale lebelelang. Ge ke nyaka go ya morago go Baefeso tema ya 1, Paulo a rera... Bjale, Bakorinthe, yo mongwe le yo mongwe o bile le leleme le pesaleme. Le lemogile dikereke tše dingwe ga se di be le bothata bjoo. Ga sa nke a bolela selo ka bjona. A o kile a bolela maleme e ka ba kae kerekeng ya Baefeso, kerekeng ya Roma? Aowa! Ba bile le maleme le se sengwe le se sengwe feela boka Bakorinthe ba dirile, eupša ba bile le yona e beilwe

ka lenaneo. Bakorinthe ba nno se kgone go tsena lenaneong. Le a bona? Eupša Paulo o ile tlase fale le go bea kereke lenaneong.

Bjale, o... ke a dumela, bjalo ka ge Oral Roberts a bolela, "Modimo ke Modimo wa go loka." A ga le dumele seo?

<sup>164</sup> Gomme le re, "Gabotse, go reng ka Mapentecostal ka maleme gona, Ngwanešu Branham?" Ke nagana ba bile le Moya wo Mokgethwa. Kgonthe ba dirile. Go lokile, gabaneng? Lebelelang. Le a dumela Yena ke Modimo wa go loka? Tomase o rile nako ye nngwe, "O a tseba, Morena..."

Bohle ka moka ga bona ba Mo dumetše. Ba rile, "Oo, re a tseba Yena ke kgonth!"

"Oo," Tomase o rile, "aowa, aowa, ga ke e dumele. Tsela e nnoši ke tla e dumelago, ke tla swanelwa ke go ba le bohlatse bjo rilego. Ke tla swanela go tsenya menwana ya ka ka lehlakoreng la Gagwe le ka go mabadi a dipikiri diatleng tša Gagwe."

Yena ke Modimo wa go loka. O rile, "Etsla pele, Tomase. Ke wena yo."

"Oo," Tomase o rile, "bjale ke a dumela."

<sup>165</sup> O rile, "Ee, Tomase, ka morago ga ge o Mpone, gomme o Nkwele, gomme o beile seatla sa Ka... diatla tša gago lehlakoreng la Ka, o a dumela. Eupša ke bogolo gakaakang e lego moputso wa bona ba ba sa nkago ba bone efela ba dumelago." Yena ke Modimo wa go loka. O go fa tlhologelo ya pelo ya gago, ka nnete. A re no Mo dumelang. Yeo ke—yeo ke—yeo ke strouku sa lehu sa Sathane. Ge monna a tšea Modimo Lentšung la Gagwe, ngwanešu, seo se tla bolaya Sathane nako ye nngwe le ye nngwe. Yeo ke go bethwa go maatla goo Sathane a ka go hwetšago, ge monna a tla tšea Modimo Lentšung la Gagwe. Ee, mohlomphegi. Boka ke boletše, "Motho a ka se phele feela (Jesu, bošegong bjo bongwe), eupša Lentšu le lengwe le le lengwe leo le tšwilego..."

<sup>166</sup> Bjale, hlokomelang se. Bjale, ke ya go thoma temana ya pele:

*Kagona go tlogeleng dikokwane tša thuto ya Kriste, a re yeng phethagalong;... (Bjale, selo sa mathomo ke nyaka le tsebe: Paulo o bolela ka mang fa? Bahebере. Ba re, "Bahebере," mo godimo, Puku ya Bahebере. A yeo ke nnete? Bajuda bao ba gannego Jesu... A le kgona—le a e swara bjale? O bolela le Bajuda, a ba bontšha moriti wa molao go beng sekai sa Kriste. Tšohle dilo tša kgale sekai sa tše mpsha. Bjale šetšang.)*

*... go tlogeleng dikokwane tša thuto ya Kriste, a re yeng phethagalong;...*

<sup>167</sup> Bjale, o be a bolela le bona ka ga dithuto. A re yeng gomme re bolele ka ga dilo tše di phethagetšego. Bjale, le phethagaditšwe ka go Modimo ge le tswaleletšwe ka Moya wo Mokgethwa go fihlela letšatši la topollo ya lena. "Yo a tswetšwego ke Modimo

(Johane wa Pele) ga a dire sebe; gobane ga a kgone go dira sebe, gobane Peu ya Modimo e dula go yena.”

<sup>168</sup> Monna yo tladitšwego ka Moya wo Mokgethwa, a sa naganego o tladitšwe, eupša yoo a tswetšwego ke Moya wa Modimo ga a dire sebe, gobane Peu ya Modimo e ka go yena, gomme a ka se dire sebe. Le a bona? A Beibele e bolela seo? Kafao seo yona. Wena o . . . E sego se o se dirago, se, ke se, e sego se lefase le se naganago ka wena, ke se Modimo a se naganago ka wena. Le a bona, le a bona? O ka se . . . Nka ba bjang le taelo e ngwadilwe ke ratoropo wa toropokgolo, gore nka kitima dimaele tše masomenne ka iri go kgabola toropokgolo, gomme lephodisa e ka ba lefe la ntshwara? Nka se ke. Nka dira sebe bjang mola go ne moneelo wa madi pele ga Modimo kgafekgafe, moo ebile A ka se mponego; moo go nago pampara mo go—mo go . . . pele ga ka le Modimo, kotse ya Madi? Gobane re hwile, gomme bophelo bja rena bo fihlilwe ka go Kriste ka Modimo, bo tswaleletšwe ke Moya wo Mokgethwa. Go kgonega bjang ka lefaseng o dire e ka ba eng ya phošo mo selebaneng sa Modimo? “Ge re dira sebe ka boomo (Bahebereg 10) ka morago ga ge re amogetše tsebo ya Therešo, ga go sa na sehlabelo bakeng sa sebe.” Ka fa ga go kgonege (le a bona?) go dira sebe ka boomo.

<sup>169</sup> Bjale, a re yeng pele gomme re bale. Go lokile.

. . . *phethagalang; e sego go beeng gape motheo wa—wa tshokologo go tšwa medirong ye e hwilego, le . . . tumelo go Modimo,*

*Ya thuto ya dikolobetšo, . . . go beeng ga diatla, le tso tsogo ya bahu, le . . . kahlolo ya gosafelego.*

*Gomme se . . . re a dira, ge Modimo a dumelela.*

(Bjale ſefa moo ba nyakilego go thoma, go tloga go temana ya 4.) *Gobane ga go kgonege go bale . . . kilego ba bonegetšwa, gomme ba latswitšego mpho ya legodimo, gomme ba dirilwe batšeakarolo ba Moya wo Mokgethwa,*

*Gomme ba latswitše lentšu le lebotse la Modimo, le maatla a lefase le le tlago,*

*Ge ba ka hlanoga, go ba mpshafaletša—mpshafaletša gape go tshokologo; ka go bona gore ba ipapoletše ka bobona Morwa wa Modimo ka boswa, gomme ba mmeile dihlonyeng tša phatlalatša.*

<sup>170</sup> Bjale, bjale, seo se bonala eke, go ya ka tsela yeo o e balago fale, gore motho a ka amogela Moya wo Mokgethwa, gomme morago a kgeloga le go timela. Eupša ga go kgonege go yena go e dira. Le a bona? A ka se kgone go e dira. Ge a dirile, Kriste o akeditše. Le a bona? Ga go kgonege go bale ba kilego ba bonegetšwa. Bjale, šetšang fa. A o bolela go bomang? O bolela le bale Bajuda ba mollwaneng. Ga sa nka a re monna a tladitšwe

ka Moya wo Mokgethwa; o rile, “Ge eba a latswitše Lentšu la Modimo.”

<sup>171</sup> Bjale, anke ke no e fa ka seswantšho, gore le ke le bone gomme le se e foše bjale. Bjale, o ngwalela Bajuda ba. Ba bangwe ba bona ke badumedi ba mollwaneng. Le a bona? O rile, “bjale, re ya go tlogela mediro ye le go ya pele go bolela ka phethagalo.” O rile, “Bjale, re bolela ka dikolobetšo, le tsogo ya bahu, le go bewa ga diatla, le se sengwe le se sengwe; eupša a re yeng pele go bolela ka phethagalo. Bjale, re ya go bolela ka ga ge o etla ka go Moya wo Mokgethwa. Bjale, le bile go hlehla tikologong ya kopano nako ye telele . . .”

<sup>172</sup> Gomme le bone batho bale. Ba tla dula tikologong; ba ka se tsene goba ba ya ntle. Ba thabela Moya wo Mokgethwa. Ba tla tla tikologong. Gomme mohlomongwe Moya wo Mokgethwa wa dira se sengwe gomme, banna, ba tla emeleta le go goelela, le go tabogela godimo le fase lebatong ka ga yona, eupša ga ba tsoge ba nyaka go O amogela bonabeng. Aowa, aowa! Le a bona? Gomme ba tla re, “Oo, ee, go lokile. Oo, ga ke tsebe ka seo bjale.” Le a bona, le a bona, le a bona? Badumedi ba mollwaneng. Feela kgauswi kudu go fihla ba ka O latswa, eupša efela ga ba O amoge. Le a bona? Bjale, ba hlehla tikologong ka mokgwa woo botelele kudu go fihla ka morago ga nakwana ba hlehlela kgole ka go felelela. Nka bitša maina a ba bantsi ba bilego ka tabarenekeleng, ba dirile selo sa go swana. Ba wa tsela yohle kgole gape, go impshafatša bonabeng go tshokologo, ga go na tshokologo go bona. Ba nno nyamiša Moya go tloga go bona. Ba bile kgauswi kudu go fihla . . .

<sup>173</sup> Fa, ge le ka phetla le nna (ga le ne nako, ke a tseba, bjale) eupša ge le ka phetla go Doiteronomio tema ya 1 gomme la e bala, le tla hwetša selo sa go swana. Go e maraka bjale, Doiteronomio tema ya 1. Bjale, gomme go thoma go temana ya 19 le go bala go ya go ya 26. Doiteronomio . . . Le tla hwetša . . . Bjale lebelelang. Bohle ba Israele . . . Se bona batho ba se dirago, ba tla Kadesearnea. Oo, ke bona se sengwe! Tabarenekeleng ye, lefase le la Pentecostal le ka Kadesearnea gonabjale. Seo ke nnete tlwa, Ngwanešu Neville. Re ka Kadesearnea, setulo sa kahlolo sa lefase (e be e le setulo sa kahlolo).

<sup>174</sup> Gomme ditlhodi di ile ntle. Joshua o rile fa, “Bjale, ke romela ditlhodi,” goba Moshe, a ke re, “ke romela ditlhodi, tše lesomepedi, o tee wa, motho o tee go tšwa go wo mongwe le wo mongwe wa meloko ya lena. Ke ba romela go hlola naga le go tliša pego morago.” A yeo ke nnete?

Gomme ge ba etla morago, ba be ba le ba senyane go ba lesomepedi ba rile, “Oo, ke naga ye botse, eupša oo, kgaogelo, re ka se kgone go e tšea. Oo, nna! Baamoro ba fale, gomme re bogega boka ditšie godimo lehlakoreng la bona. Ke banna ba ba itlhamilego. Maboto a bona ke a magolo. Oo, go kudu . . .

gobaneng, ke duma nkabe re hwetše tlase mošola ka Egepeta go e na le wena go re tliša ntle fa.”

<sup>175</sup> Eupša, Kalebe le Joshua ba bannyane ba kgale ba tabogetše godimo fale le go ba homotša; ba rile, “Re ka kgona go feta go e tšea.” Ee, mohlomphegi! O tee šole. Bjale lebelelang. Go diregile eng? Kalebe le Joshua ba tsebile gore Modimo o file tshepišo ya yona: “Ga ke kgathale ke ye kgolo gakaakang, ke ditšitišo tše dintši gakaakang di lego, ba godimo ga kaakang, ke ba bagolo gakaakang, seo ga se ne selo go dira le yona. Modimo o boletše bjalo, gomme re kgona go e tšea.” Gomme le a tseba ba be ba le batho ba babedi ba nnoši bao, go tšwa go bale ba dimilione tše pedi le seripa, bao ba kilego ba tshelela ka nageng? Ka gobane ba swere tumelo ya bona ka go se Modimo a boletšego go ba Therešo. Amene!

<sup>176</sup> Tabarenekele, gonabjale, e eme ka Kadesebarnea. Lebelelang, bona batho ba be ba le kgauswi kudu go fihla ebole ba latswitše diterebe go tšwa nageng. Ba lle diterebe. Ge Kalebe le bona ba ile godimo le go tliša diterebe morago, bona baisa ba futše tše dingwe gomme ba di jele. “Oo, di lokile, eupša re ka se e dire.” “Bona ba ba latswitšego mošomo wo mobotse wa Modimo, ba latswitše Moya wo Mokgethwa, ba bone bobotse bja Ona, ba O latswitše, ba latswitše Lentšu la Modimo . . .” Le bona seo? Ga a gona wa bona banna, ga go o tee wa bona a kilego a tsoge a dumelwelwa go ya mošola. Ba hwetše ka nageng ya bona beng, godimo fa ka lešokeng. Ga sa nke ba ya mošola, efela ba be ba le kgauswi go lekanelia go O latswa, eupša e sego mogau le tumelo go lekanelia go O tšea. Ke seo e bilego.

<sup>177</sup> Bjale. Bjale theetšang motho yola wa morategi a ngwadilego lengwalo le. A re no balang temana ya go latela. Šetšang feela motsotso. Šetšang Paulo. Bjale a re baleng ya 7:

*Gobane lefase . . . le enwa pula yeo e tlago kgafetša go lona, le go tšweletša merogo e swanetšego sebakeng sa bona ba ba e lemago, le amogela ditšhegofatšo go tšwa go Modimo:*

*Eupša le le medišago meetlwia le tshehlo e gannwe, gomme e kgauswi le thogako; le pheletšo ya lona e lego go tšhungwa.*

<sup>178</sup> Bjale, le bona se a se boleLAGO? Bjale šetšang. Go bile le potšišo ye fa; gomme, gomme morago re tla tswalela . . . Selo se se nyakile se mpolaya lebaka la mengwaga.

<sup>179</sup> Ke ile kopanong nako ye nngwe moo batho ba bego ba bolela ka maleme ka Mishawaka, Indiana. Bjale, ke pele ga lešaba la ka mong. Le ba kwele bona batho . . . nkwele ke bolela kanegelo ya bophelo bja ka, le mabapi le monna wa lekhalaate yoo a rilego, “Yena šo. Yena šo.” Bjale, ke anegile seo.

<sup>180</sup> Eupša ka moka ga yona: Ke bone banna ba babedi. Ba be ba . . . O tee o tla fa molaetša, yo mongwe a o hlatholla.

Yo mongwe o fa molaetša, gomme yo mongwe o a o hlatholla. Gomme ngwanešu, ba be ba nepile. Feela boka... ke naganne, "Mmalo! Ga se nke ka ke ka bona e ka ba eng boka yela." Ke rile, "Ke makgatheng ga barongwa." Ke naganne, ga se nke ka bona e ka ba eng... O tee o tla bolela, gomme yo mongwe...

<sup>181</sup> Gomme ke dula morago fale, ge moreri wa kgale yo monnyane, lena... [Ga go selo go theipi—Mor.]... bobedi monna nako ye nngwe gomme ba šikinya seatla sa bona. Ga se nke ka bona selo se sebjalo bophelong bja ka. Ba be ba tla bolela molaetša, gomme yo mongwe o tla o hlatholla. Gomme nna, nna! Go be go makatša! O tee, o tla bolela gomme yo mongwe a hlatholla. Bobedi... Gomme ba be ba no fetoga bošweu bja tšhoko ge ba be ba tla phagamiša diatla tša bona. Ke naganne, "Oo nna, nna, ke be ke le kae bophelo bja ka bjohle. Se ke selo!" Ke rile, "Nna, Mapentecostal ba nneteng." Yeo ke nnete tlwa.

<sup>182</sup> Ga sa nka ka bona bontši eupša feela se se sebots se le thwi tlase tikologong ka fa, moo... Mohlomongwe basadi ba mmalwa ka maikemišetšo felotsoko. Gomme ba tla be ba ngangana; gomme yo mongwe a bitša yo mongwe, "sehlaga sa magokubu," gomme, le a tseba, feela ka mokgwa woo, mohuta wa go ngangana bonaseng. E sego go se hlomphe basadi bjale goba selo, eupša feela... Go-bo be go le leemong la tlase. Ge e ka ba mang wa lena... O a elelwa, Ngwanešu Graham. O be o no ba mošemane yo monnyane nakong yela. Gomme kafao, ke ka tsela yeo go bego go le.

Gomme ke theeditše sela, ke naganne, "Oo, nna, ke hweditše barongwa."

<sup>183</sup> Letšatši le lengwe ke etla go dikologa khona ya ngwako, e ka ba letšatši la bobedi, ke kopane le yo mongwe wa monna. Ke rile, "Go bjang, Mohlomphegi?"

O rile, "Go bjang?" O rile, "A... Leina la gago o mang?"

Gomme ke rile, "Branham."

O rile, "O tšwa kae? Fa?"

Gomme ke rile, "Aowa, ke tšwa Jeffersonville."

O rile, "Gabotse, go kaone. A o Mopentecostal?"

Ke rile, "Aowa, mohlomphegi, ga ke yena." Ke rile, "Ke no se amogele tsela ya Pentecostal ya go amogela Moya wo Mokgethwa," ke rile, "golebjalo," ke rile, "ke fa go ithuta."

<sup>184</sup> O rile, "Gabotse, go lokile gagolo." Gomme go boleleng le yena, ke swara moywa gagwe (boka mosadi mo sedibeng), o be a le Mokriste wa kgonthe. Ngwanešu, ke ra o leditše gabotse. O be a lokile. Bjale, lena bohole... Ke ba bakae ba bilego ka dikopanong tša ka gomme le bone dilo tšela di direga? Le a bona? Gomme monna o be a le gabotse ka go phethagala. Kafao gona, ke—ke naganne, "Fao! Nna, go makatša bjang!"

<sup>185</sup> E ka ba mantšiboeng ale, nako ye nngwe morago ga sekgalela, ke kopane le yo mongwe. Ke rile, “Go bjang, Mohlomphegi?”

O rile, “Go bjang? Leina la gago o mang?” Gomme ke mmuditše. Gomme o rile, “O...A—a o Mopentecostal?”

Ke rile, “Aowa, mohlomphegi, e sego Mopentecostal tlwa, ga ke thanke.” Ke rile, “Ke no ba godimo fa go ithuta.”

O rile, ke rile, o rile, “A o kile wa hwetša Moya wo Mokgethwa?”

Ke rile, “Ga—ga ke tsebe.” Ke rile, “Go ya ka se bohole le nago, ke a thanka ga ke nao.”

Gomme o rile, “Nkile wa bolela ka maleme?”

Ke rile, “Aowa, mohlomphegi!”

O rile, “Gona ga se nke wa ba le Ona.”

<sup>186</sup> Gomme ke rile, “Gabotse, ke—ke a thanka seo ke nnete.” Ke rile, “Ga ke tsebe. Ke no be ke be ke rera e ka ba mengwaga ye mebedi, bonnyane,” gomme ke rile, “ga ke tsebe kutšwana kudu ka ga Ona.” Ke rile, “Mohlomongwe ga ke tsebe.” Ke rile, “Ga ke kgone go kwešia...” Gobane eng, ke be ke leka go mo swara fale (le a bona?), go o swara. Gomme ge ke dirile, ge eba nkile ka kopana le moikaketši, go be go le yo mongwe wa bona. Mosadimogatša wa gagwe o be a le hlogontsho; gomme o be a dula le mosadi wa hlogotšhweu, o bile le bana ba babedi ka yena; gomme a bolela ka maleme, a a hlatholla feela bjalo ka ge a ka ba. Gomme ke rile, “Bjale, Morena, ke tsene ka gare ga eng?” Go tloga go barongwa, ga se ke tsebe se ke bego ke le ka go sona. Ke rile, “Ke—ke—ke nna wa motheo; go swanetše go ba ka Beibeleng. Go swanetše go ba nnete. Go ne se sengwe sa phošo felotsoko, Morena. Seo se kgonega bjang?”

<sup>187</sup> Ke ile kopanong bošegong bjoo, gomme Moya wola o be o tla wa; gomme ngwaneshu, o be o kgona go O kwa, gore O be o le Moya wo Mokgethwa. Ee, mohlomphegi! Ge eba O be o se, O hlatselane le moya wa ka gore O be o le Moya wo Mokgethwa. Gomme ke be ke no ba moreri yo mofsa, gomme ke sa tsebe bjang, bontši ka ga moya wa go hlatha. Eupša ke be ke dutše fale. Gomme ke a tseba yena Modimo yo a mphološitšego, ale e be e le maikutlo a go swana... Ikwetše boka ke be ke eya go kgabola tlhaka, e be e le maikutlo a go makatša bjalo ka moagong wola. Gomme ke naganne...

<sup>188</sup> E ka ba makgolo a lesometlhano a bona fale. Gomme ke naganne, “Nna, oo nna!” Dihlopha tše pedi goba tše tharo tša bona di kopane mmogo. Gomme ke naganne, “E re, nna! Go kgonega bjang? Bjale, Moya wola wo mogolo ka moagong wo o ewa ka mokgwa wola; gomme fa, lebelelang se se kgatlampana godimo fale, ona mathaka a bolela ka maleme, ba hlatholla, ba efa molaetša ka phethagalo— gomme yo mongwe wa bona

moikaketši gomme yo mongwe monna wa kgonthe wa Modimo.” Gomme ke naganne, “Bjale, ke hlakahlakane gohle. Ga ke tsebe ke dire eng.”

<sup>189</sup> Gabotse, ka pelapela ka morago ga yona, mogwera yo mokaone wa ka, Ngwanešu Davis (le a tseba), o thomile go re ke popi. Seo ke sebapadišwa sa mosetsana, le a tseba. Gomme kafao, ke be ke se ka nyala, gomme kafao ke . . . O thomile go ntšeatšea, gomme morago go ya pele, mohuta wa go nkgoka.

<sup>190</sup> Gomme re be re ne ye nnyane . . . Gomme mmago le bohle ba rena re be re ne dikopano tše nnyane go dikologa mafelo a go fapania. Tabarenekele e be e sa—e be e sa ye ka nako yeo, gomme re be re ne dikopano tše dinnyane mafelong a go fapania. Gomme mafelelong letšaši le lengwe, ka morago ga ge tabarenekele e agilwe, mengwaga ye mentši moragorago, Ke ile godimo Tšhilong ya Green leweng la ka go rapela, gobane Ngwanešu Davis o be a boletše dilo tše dingwe tša go šiiša ka nna ka—ka—ka lephepheng la gagwe. Ke mo ratile. Ga se ke nyake selo go direga, gomme ke—ke ile godimo fale go mo rapelela. Gomme ke ile godimo fale, gomme ke tsene ka leweng. Gomme ke dutše ka fale e ka ba matšatši a mabedi. Gomme ke rile, “Morena, mo swarele. Ga—ga se a re—ga se a re yeo.” Gomme ke naganne, “O a tseba . . .” Ke nno diragala go naganan ka Lengwalo.

<sup>191</sup> Gomme ke tšwile. Gomme go be go ne kota, (kota yela e sa letše fale, ke be ke le godimo ga yona fa e se kgale kudu) tlase go theoga thaba gomme ka patlama go putla tsela ye nnyane yeo e tlago go dikologa go tšwa nokaneng. Gomme ke no namela kota, ke lebeletše go kgabaganya dithaba moragorago—morago fale, gomme ke beile Beibele ya ka ntle ka mokgwa woo. Ke naganne, “O a tseba . . .” Ke be ke naganan ka Lengwalo: “Morulakoporo, o nkgobaditše kudu, gomme o boletše dilo.” O a tseba . . . ke naganne, “Ke a dumela ke tla no bala seo.” Ke butše Beibele, gomme ke rile, “Gabotse . . .” Ke phumotše sefahlego sa ka, gomme phefo e fokile, gomme e phutholotše go Bahebereg 6. “Gabotse,” ke rile, “moo ga se mo go lego.” Gomme ke E beile morago ka mokgwa wo. Gomme phefo e fokile gape gomme ya E phutholla morago gape. Gomme ke rile, “Bjale, seo se a tlabia, phefo e e fokela morago ka mokgwa wola.” Kafao ke naganne, “Gabotse, ke a dumela ke ke tla e bala.” Gomme e rile:

*Gobane ga go kgonege go bale ba kilego ba bonegetšwa, . . . ba dirilwego batšeakarolo ba Moya wo Mokgethwa gomme ba latswitše . . . Lentšu la Modimo, le selo sa lefase le le tlago.*

Ke naganne, “Gabotse, ga ke bone selo ka seo.” Ke badile go theoga, tema ka moka. Ga go selo go yona. Ke rile, “Gabotse, seo ke—seo se rumia sela bakeng sa seo.” Gomme ke—ke e bona ka mokgwa wo, gomme e ile morago gape. Gomme ke E topile, gomme ke naganne, “Gabotse, ke eng seo?” Ke tšwetše pele go e

bala, le go e bala, le go e bala, ke rile, “Gabotse, ga ke kgone go kwešiša.” Morago ke ile pele . . . Gomme ke badile go theoga:

. . . go *kgonagale* go *bale ba ba kilego ba bonegetšwa*, . . .

E theogela tlase fa go lefelo fa moo e rilego:

*Gomme lefase . . . le enwa pula yeo e tlagos kgafetša go lona, go tšweletša merogo e swanetšego sebakeng sa bona ba ba e lemago, le amogela ditšhegofatšo go tšwa go Modimo:*

*Eupša le le medišago meetlwa le tshehlo le gannwe, gomme . . . le kgauswi le thogako; le kahlolo ya lona e lego go tšhungwa.*

<sup>192</sup> Ke rile, “Ke makala seo se se ra eng?” Ke tla no . . . Bjale, ke be ke sa nagane ka ga selo godimo fale. Ke no nagana seo. Gomme feels nako yeo ge ke be ke dutše fale, ke naganne Morena o tla mpha pono ka ga Ngwanešu Davis le bona tlase fale. Gomme ke be ke dutše fale; ke lebeletše, gomme ke bone se sengwe se phethoga go kgabola moedi pele ga ka. Gomme e be e le lefase le phethoga. Gomme ke le bone le šwalalane lohle, go bonala eke le lenngwe. Gomme Monna o ile pele ka se—se—se selo se segolo bogolo pele ga Gagwe se tletše peu, gomme o be a gaša peu gohle go kgabaganya lefase ge A eya. Gomme O ile go rarela mokgopamo wa lefase, gomme O ile ka se sa mmona. Gomme ka pela ge A ile ke se sa mmona, fa go tla monna wa go bogega go nyonyobela ka kgonthe, a apere diaparo tše ntsho, a eya tikologong ka tsela ye, a sepela, fše, fše, a lahlela dipeu tše mpe, fše, fše. Gomme ke le šeditše, gomme ge lefase le ile pele go phethoga . . .

<sup>193</sup> Morago ga nako korong e medile. Gomme ge korong e medile, ditshehlo di tšwetše ntle, le ditšhašo, le mebetlwa, le ngwang, le se sengwe le se sengwe se mela, ngwangmaswi, le se sengwe le se sengwe se mela go korong. Gomme tšohle di be di gola mmogo. Gomme go tlile ya kgonthe, komelelo ye mpe, gomme korong ye nnyane e bile le hlogo ya yona e kobamile ka mokgwa wo, le tshehlo ye nnyane, le tšhašo, meetlwa, di bile le hlogo ya tšona e inamile. Ngwang wo mongwe le wo mongwe [Ngwanešu Branham o dira modumo wa go fegela—Mor.] o hemela ka mokgwa wola. O be o kgona go no e kwa. gomme di be di goeletša bakeng sa pula, pula.

<sup>194</sup> Gomme morago ga nakwana, gwa nyarela lero le legolo bogolo, gomme meetse a no golobelka tlase. Gomme ge e nela godimo fale, korong yela e tabogetše godimo gomme ya thoma go goeletša, “Letago, Haleluya, Tumišang Morena!” Ngwang wo monnyane wa tabogela godimo gomme wa goeletša, “Letago, Tumišang Morena, Haleluya!” Meetlwa le tšohle tša tšona, di bina gohlegohle godimo ga tšhemo di goeletša, “Letago, Haleluya, Tumišang Morena!”

Gabotse, ke rile, “Ga ke kgone go hwetša sela.”

<sup>195</sup> Pono e ntlogetše; morago ke wetše go yela gape: “Mebetlwa e lego kgauswi le go ganwa.” Kagona ke e hweditše. Jesu o rile, “Pula e nela baloki le ba e sego baloki.” Motho a ka dula ka kopanong, a ka bolela ka maleme, a ka goelela le go dira feela boka ka moka ga bona ka Moya wo Mokgethwa wa mmapale gomme go le bjalo a se be ka mmušong wa Modimo. Seo ke nnete tlwa. A Jesu ga se a re, “Ba bantši ba tla ema mo letšatšing leo gomme ba re, ‘Morena, a ga ka lelekela bodiabolo ntle ka Leina la Gago; a ga ka profeta (rerile) ka Leina la Gago; a ga ka dira mediro ye mentši ye maatla ka Leina la Gago?’” Jesu o rile, “Tlogang go Nna, lena badiri ba bokgopo, ga se nke ebile Ka le tseba.” Go bjang ka seo?

<sup>196</sup> Sese tlwa se e se rago fa. Le a bona? Ba latswitše pula e botse go tšwa Legodimong. Eupša le go thoma, ba be ba le phošo. Le go thoma maikaelelo a bona a be a se a loka; maikemišetšo a bona a be a se a loka. Seo, o ka se se bolele. Mo . . . Le a tseba, mo punong o rile, “A nka ya pele gomme ka tomola tšohle?”

<sup>197</sup> O rile, “Di lese di gole mmogo, gomme mo letšatšing leo meetlwa ye le ditšhašo di tla tšhungwa mmogo, gomme korong e tla ya sešegong.” Bjale, o ya go tseba bjang mootlwa ke ofe, goba ke efe e lego tshehlo, goba ke efe e lego korong? “O tla di tseba ka kenywa ya tšona.” O a bona, ngwanešu, kgaetšedi, mohlare wo mobotse o ka se enywe kenywa ye mpe. Ga go kgathale, felotsoko go bapa tsela, go ya go go swara. Kafao, wena ka go nyakeng kolobetšo ya Moya wo Mokgethwa . . . Ke thakgetše e ka ba mang a ngwadilego yeo. Le a bona?

<sup>198</sup> Bjale, bona badumedi ba mollwaneng morago fale, ba be ba le le bona thwi. Ba be ba bolotše ka lebollo la bona. Ba ile thwi mošola go naga yeo Modimo a e tshepišitšego, thwi mo ntlheng ya yona. Monna ba bantši ba sepelela godimo go ntlha yeo. O tla sepelela thwi godimo go kolobetšo ya Moya wo Mokgethwa gomme a o gana. Ga a nyake go o tlogela. O tla sepelela thwi godimo go kolobetšo ya Lengwalo Leineng la Jesu Kriste, gomme a retolla mokokotlo wa gagwe, gomme a o gana go iša pele go o boneng.

<sup>199</sup> Ga go Lengwalo le letee ka go Beibele yohle moo e ka ba mang a kilego a kolobetšwa Leineng la Tate, Morwa, Moya wo Mokgethwa, ga go Lengwalo le tee. Kereke ya Katoliki e e thomile, Luther a tšwela ntle, go theogela go Wesley, gomme e gogile pele go kgabola go fihla fa. Yeo ke nnete tlwa. Eupša lenaneo la Lengwalo ke Leina la Morena Jesu Kriste. Yeo ke kolobetšo ya seapostola. O ka se kgone go dira seo gomme a dula ka go kerekeleina. Yeo ke nnete.

<sup>200</sup> Bjale, a le a di bona dilo tšela? Kolobetšo ya Moya wo Mokgethwa, dimpho tša Moya, dilo tše Modimo a di tlišago pele . . . Kenywa ya Moya ke lerato, lethabo, kgotlelelo (oo, o re,

“Eupša Ngwanešu Branham, šegofatša Modimo, ke a pelofala.” Go bogega e ke. Ke ile godimo Ohio fa e se kgale kudu, gomme yo mongwe o mpotšišitše, o ngwadile lengwalo tlase fa gomme o mpotšišitše ge eba ke kolobeditše batho Leineng la Morena Jesu Kriste. Ga sa nke ka bolela lentšu. Ba e hweditše golebjalo, gomme badiša ba ba dirišanago ba lesometshela ba gogetše morago. Yeo ke pelofalo a ga se yona!)—pelofalo, bobotse, bonolo, boleta, kgotlelelo, le Moya wo Mokgethwa. Le a bona?

<sup>201</sup> Oo, ngwanešu, kgaetšedi, re—re mo Kadesē-barnea. Le a latswa bjale. Bošegong bja go feta Moya wo Mokgethwa o wetše godimo ga rena, wa tsena go rena, ka gare boka phefo ye e tšutlago. O dutše godimo ga ba bantši ba lena. Lehono badiredi ba be ba etela malapa fa le fale, ba Bea diatla le go ba rapelela bao ba nyakago Moya wo Mokgethwa. Le se ke la tsea kemedi. Le se tše mohuta tsoko wa lešata. Le se tsee mohuta tsoko wa maikutlo. Le leta fale go fihlela Modimo a le kgolokile le go le dira sebopiwa se seswa, a go dirile motho yo moswa. O a O latswa bjale, go no O latswa, eupša anke Leeba le go hlahlele thwi tafoleng, gomme—gomme Kwana le Leeba di dule fase mmogo, gomme le keteke neng le neng godimo ga Lentšu la Modimo. Gobane Le tla ema ge go se na legodimo goba lefase; Lentšu la Modimo le tla šala. Yeo ke therešo.

<sup>202</sup> Hle o se nagane gore ke a thuhlula. Ge eba ke bile, ga se ke re go ba. Ge eba ke . . . ke a holofela ke arabile dipotšišo tše; ke dirile, bokaonekaone bja tsebo ya ka.

<sup>203</sup> Gomme kagona, ka go Bahebère 6, ge le ka bona, Paulo o bolela le Bahebère bao ba rilego, “Gabotse, re tla ya mmogo le wena bokgole bjoo.” Ba tla tla godimo. Le a bona? O rile, “Bjale, lena le . . .” Bona bao ba tlago godimo gomme ba latswitše.

<sup>204</sup> Ke no direga go lebelela morago ka moagong. Go le bontšha bohlatse bja Modimo yo a Phelago. Ke a holofela ga ke dire motho yo a lemogege. Ke tla ka gare go tšwa kopanong e se kgale kudu, gomme ke tla fa, le go tsebiša go lena gore mogwera wa go loka, mokgotsi wa ka wa sebèle, modirišane wa go tsoma, monna o bile go loka go nna, monna yo a bilego kerekeng ya ka, gomme o bile ngwanešu wa ka; ke mmiditše Busty. Leina la gagwe ke Everett Rodgers; o dutše ka Milltown. Ke ba bakae ba elelwago ke etla fa go e tsebiša? O be a robetše fa ka sepetlele; dingaka di mo dirile karo, ba mmutše, gomme a tletše kudu ka kankere ba nno mo roka. Ba rile, “O tla šoporogana gonabjale; mo dibekeng di se kae o tla be a ile; seo e tla ba sohle se tla bago. O tla be a fedile, ke sohle.”

<sup>205</sup> Le elelwago fa ke emego fa mo sefaleng, ke mo rapelela? Ke theogetše fale gomme ke ile ka kamoreng, se sengwe se ejá ka pelong ya ka. Ke sepeletše ka kamoreng, gomme ka pela ge ke ntšhitše yo mongwe le yo mongwe gore ke kgone . . . Ngwanešu Everett o be a robetše fale. Gomme bohle le elelwago se. Ke

sepeletše ka gare; ke rile, “Ngwanešu—Ngwanešu Busty.” (Ke mmeditše Busty.)

<sup>206</sup> Kgalekgale ge re be re ne dikopano tša ka mašohlošohlong tlase fa, bona Mamethodist ohle morago godimo fale mo thabeng (Gertie, yo mongwe wa bona), ba ngwegela tikologong, o be a hloletše ka mantšohlo a terebe go bona se ke bego ke yo se bolela, le ka mokgwa woo, ba boifa gore kereke ya Methodist e tla ba kgaola. Gomme morago, ke ile gomme ke bile le pono fale, gomme ke bone nama yohle a pakelane ka gare ga thini. Ke swere sehlopha sa hlapi gomme ka di bofelela, ka di bea—bea godimo ga manti a, gomme ke bofile manti. Gomme ge ke lebeletše. . . Gomme yohle e be e le ponong; ke be ke tlogetše—tlogetše sehlopha sa batho se eme ka tlase ga mantšohlo bošegong bjoo gomme ke ile godimo ka godimo ga thaba ga Ngwanešu Wright. Gomme ebole ba be ba sa kgone go nkhwetša mosong wa go latela. Ke rile, “A go se be le o tee wa lena. . .”

<sup>207</sup> Ge ke be ke eme fale ke rera, Seetša sela sese se a tla; Pilara yela ya Mollo e lekeletšeego thwi fa pele ga ka gomme e rile, “Tloga fa gomme o ye dithokgweng; Ke tla bolela le wena.” E bile letšatši lela la go swana, letšatši la go latela ge ba nkhweditše godimo ka thabeng. Gomme ke be ke le godimo fale; ke utile koloi ya ka ka mabjanyeng, gomme ke be ke bile godimo ka thabeng ke rapela bošego bjohle le letšatši le le latelago lohle. Ba bangwe ba bona ba tla godimo fale, ba hweditše koloi gomme ba tla godimo fale. . . E bile letšatši lela leo Ngwanešu Graham Snelling, fa, a amogetšeego Moya wo Mokgethwa le go bitšwa ka bodireding.

<sup>208</sup> Godimo fale ka thoko ga thaba moo ke bego ke robetše fale, gomme O—O mpoditše dilo tša go fapano go di dira le se poledišano re ka bego re bile le yona mmogo. O file pono ya go boneng hlapi ye e tateditše, o rile, “Ye ke kereke ya Milltown.”

Gomme ba bane goba ba bahlano ba bona ba nyefišitše; gomme ke rile, “Ke mang yoo?”

O rile, “Yo mongwe wa bona ke Guy Spencer le mosadimogatša wa gagwe. Yo mongwe ke Spencer yo mongwe fale, le ba bona.” Gomme O mpoditše ba go fapano, se se tla nyefišago.

<sup>209</sup> Ke ba boditše; ke rile, “Anke go se be le o tee wa lena a jago.” Mosadimogatša wa ka le nna re be re sa. . . E be e le pele re nyalana; gomme o ile gae go dula bošego bjohle le Kgaetsedi Spencer, mosadi wa go makatša. Monna wa go makatša, Guy Spencer o no ba monna yo mobose bjalo ka ge a eme ka dieteng tša mokgophha. Gomme o—gomme o ile tlase fale, gomme Opal o rile, “Bjale, lebelelang. . .” Go Meda, o rile, “Bjale, Meda, ke dumela Ngwanešu Bill.” O rile, “Eupša ge Opal a swarwa ke tlala, o swanetše go hwetša hemo le mae.” Kafao o ya godimo fale, gomme mo gadikela hemo le mae, gomme a di bea fase go di ja, gomme a thoma go bolela tšhegofatšo, gomme a inamela

godimo tafoleng, a lla, ga se a kgone go di kgwatha. Morago ba tla go nyaka.

<sup>210</sup> Gomme godimo fale mo thabeng letšatšing leo, O mpoditše tlwa se se tla diregago. O rile, “Tše di tla tloga, gomme morago tše di tla tloga.” Eupša o bile le sehlopha se segolo sa nama ka thining. O rile, “Boloka ye bakeng sa go šoma ga pele bakeng sa batho ba Milltown.” Gomme bošegong bjo bongwe ge ke kwele Ngwanešu Creech... O be a dutše fa bošegong bja go feta. Ga ke... Ngwanešu Creech, a o gona bošegong bjo? Ge Ngwanešu Creech a etla go nna, o mpiditše, le Kgaetšedi Creech, a lla; papagwe a robetše fale. O rile, “Ngwanešu Bill, se mmotše. O a hwa.” O rile, “O llwe ke kankere; dingaka di mmutše, gomme o no ba go tlala ka kankere bjalo ka ge a ka ba.” Gomme Will Hall (gomme bohole ba lena le a mo elelwa), ge ngaka ya go swana e mmutše gomme o be a tletše ka kankere kudu... Ke thomile go ya go tsomeng sehlorwana mosong woo, gomme ke bone tšona diapola di lekeletše ka kamoreng. (Le elela kanegelo yela ya yona?) Gomme monna šole lehono o a phela. Yeo e bile mengwaga kgale. Yena le Ngwanešu Busty ba be ba le bagwera.

<sup>211</sup> Gomme ke ile tlase sepetlele, sepetlele se seswa (ke lebetše se ba se bitšago, ntle fale ka New Albany) sepetlele se seswa. Gomme ke ile ntle fale go bona Busty; gomme ge ke tsene ka kamoreng, ke rile, “Ngwanešu Busty.”

O rile, “Ngwanešu Bill.” O gokaretše seatla sa ka ka go šišinya seatla gola go gogolo gwa kgale; mahlwadibona wa Ntwa ya Pele ya Lefase, ga ke e bolele bogoneng bja gagwe, eupša feela pelo e kaone boka e kile ya betha ka tlase ga hempe ya kgale ye bolou. O swere seatla sa ka. Ke bile ka ngwakong wa gagwe; ka ja ka ngwakong wa gagwe; ke robetše ka ngwakong wa gagwe, feela boka ke le ngwanabo. Digotlane tša gagwe le bohole, re no ba—no ba boka banešu ba madi. Monna yo mokaone.

<sup>212</sup> Gomme o... Eupša ga sa nke a ke a tla pele le Morena go teba. O... ke mo kolobeditše Leineng la Jesu Kriste. Eupša letšatšing lela ge moreri yola wa Methodist a rile, “E ka ba mang a kolobeditšwego Leineng la Jesu Kriste, etšwa ka tlase ga tente ya ka.” Go be go le ok. George Wright le bona ba sepeletše ntle. Morago ga sekgalela sela ke ile tlase fale go kolobetša Leineng la Jesu Kriste ka Totten Ford. Phuthego ya gagwe ka moka e sepeletše ka meetseng gomme ya kolobetšwa Leineng la Jesu Kriste. Kafao ke nno ya pele. Go be go lokile. Modimo a le bakeng sa lena, ke mang a ka bago kgahlanong le lena? Ebile ga ke tsebe moo monna a ilego, go diregile eng ka yena.

<sup>213</sup> Golebjalo, ke sepeletše ka sepetlele. Busty o be a le fale a robetše fale a tletše kudu ka kankere, dingaka di be ebile di ka se, ga se di dire selo eupša feela go mo kgomaganya mmogo morago. Busty o rile go nna; o rile, “Ngwanešu Bill, se ke ka morero. Se sengwe se diregile.”

Ke rile, “Ee, Busty.” Thoma go ikwela gore Moya boka phefo yela ya go tšutla ke bego ke bolela ka yona, le a tseba, o tsena.

O rile... Ge ke sepelela ka fale, go be go ne molalatladi khoneng yela, o eme khoneng yela. Molalatladi ke kgwerano; kgwerano ya Modimo. Modimo o dirile kgwerano le nna mola thabeng yela letšatši lela. Ke beile diatla tša ka godimo ga Ngwanešu Busty le go mo rapelela.

Ngaka o re, “O tla šoporogana. O tla no ya tlase. Ga se gona go dira... O tla be a ile mo matšatšing a se makae.” Gomme Busty Rodgers... Yeo e bile dibeke le dibeke le dibeke tša go feta, gomme Busty Rodgers, a dutše thwi morago fa ka kerekeng bosegong bjo, a phelegile le go ba senatla boka nkile ka mmona a bogega bophelong bja ka. Emelela, Ngwanešu Busty. Yena šole. A re feng Modimo tumišo, yo mongwe le yo mongwe.

Ba be ba kopane ka kamoreng ya godimodimo,  
Bohle ba rapela Leineng la Gagwe.  
Ba kolobetšwa ka Moya wo Mokgethwa,  
Gomme maatla a tirelo a tlide.  
Bjale, se A ba diretšego letšatšing lela,  
O tla le direla go swana.  
Ke thakgetše kudu gore ke kgona go re, “Ke yo  
mongwe wa bona.”

Ke yo mongwe wa bona, yo mongwe wa bona;  
Ke thakgetše kudu gore ke kgona go re, “Ke yo  
mongwe wa bona.” (Haleluya!)  
Yo mongwe wa bona, ke yo mongwe wa bona;  
Ke thakgetše kudu gore ke kgona go re, “Ke yo  
mongwe wa bona.”

Le ge batho ba ba ka se tteleime go ba,  
Goba go ikgantšha ka botsebalegi bja lefase,  
Bona bohle ba amogetše Pentecost ya bona,  
Ba kolobeditšwe Leineng la Jesu.  
Gomme ba a botša bjale bobedi bokgole le  
bopapetla,  
Maatla a gagwe le bjale a a swana.  
Ke thakgetše kudu gore ke kgona go re, “Ke yo  
mongwe wa bona.”

Ke yo mongwe wa bona, ke yo mongwe wa bona;  
Ke thakgetše kudu gore ke kgona go re, “Ke yo  
mongwe wa bona.” (Haleluya!)  
Yo mongwe wa bona, ke yo mongwe wa bona;  
Ke thakgetše kudu gore ke kgona go re, “Ke yo  
mongwe wa bona.”

Bjale, etla ngwanešu, nyaka tšhegofatšo ye  
 Yeo e tla go hlwekiša pelo ya gago go sebe,  
 Yeo e tla go thoma dipele tša lethabo go lla,  
 Gomme e tla boloka soulo ya gago kgabong.  
 Oo, o a tuka bjale ka pelong ya ka,  
 Oo, letago go leina la Gagwe.

Ke thakgetše kudu gore ke kgona go re, “Ke yo  
 mongwe wa bona.” (A re e opeleng!)

Yo mongwe wa bona, yo mongwe wa bona;  
 Ke thakgetše kudu gore ke kgona go re, “Ke yo  
 mongwe wa bona.” (Haleluya!)

Yo mongwe wa bona, yo mongwe wa bona;  
 Ke thakgetše kudu gore ke kgona go re, “Ke  
 yo mongwe wa bona.” (Ke ba ba kae ba lego  
 yo mongwe wa bona? Phagamiša diatla tša  
 gago. Oo, nna! Oo, ke thakgetše bjang ke yo  
 mongwe wa bona.)

Yo mongwe wa bona, yo mongwe wa bona;  
 Ke thakgetše kudu gore ke kgona go re, “Ke yo  
 mongwe wa bona.” (Haleluya!)

Yo mongwe wa bona, yo mongwe wa bona;  
 Ke thakgetše kudu gore ke kgona go re, “Ke yo  
 mongwe wa bona.”

Ba be ba kgobokane ka go kamora yela ya ka  
 godimo,

Bohle ba rapela Leineng la Gagwe.

Ba ile ba kolobetšwa ka Moya wo Mokgethwa,  
 Gona maatla bakeng sa tirelo a tlide.

Bjale, se A ba diretšego letšatšing lela,  
 O tla le direla go swana.

Ke thakgetše kudu gore ke kgona go re, “Ke yo  
 mongwe wa bona.”

Oo, yo mongwe wa bona, yo mongwe wa bona;  
 Ke thakgetše kudu gore ke kgona go re, “Ke yo  
 mongwe wa bona.” (Haleluya!)

Yo mongwe wa bona, yo mongwe wa bona;  
 Ke thakgetše kudu gore ke kgona go re. “Ke yo  
 mongwe wa bona.”

Bjale, ge re opela khorase yela gape, ke nyaka yo mongwe  
 le yo mongwe wa lena go retologa, gomme le šikinye diatla le  
 yo mongwe kgauswi le wena, gomme o re, “A o yo mongwe wa  
 bona?” Le a bona? Go lokile.

Oo, yo mongwe wa bona (ke a tseba o  
 yena, Ngwanešu Neville. Ke a tseba o yena,  
 Ngwanešu Capps. Ke a tseba o yena. Ke a  
 tseba o yena . . . ? . . .)  
 . . . yo mongwe wa bona.

Oo, yo mongwe wa bona, yo mongwe wa bona;  
 Ke thakgetše kudu gore ke kgona go re, “Ke yo  
 mongwe wa bona.”

<sup>214</sup> Oo, a ga wa thakgala o yo mongwe wa bona. Ke ba ba kae ba ka ratago go ba yo mongwe? Phagamiša seatla sa gago. Go lokile. Bjale, ke ya go go opelela ye:

Gona etla ngwanešu, nyaka tšhegofatšo ye  
 Yeo e tla go hlwekiša pelo ya gago go sebe,  
 Yeo e tla go thoma dipele tša lethabo go lla,  
 Gomme e tla boloka soulo ya gago kgabong.  
 Oo, e a tuka bjale tlase pelong ya ka,  
 Oo, letago go Leina la Gagwe.  
 Ke thakgetše kudu gore ke kgona go re, “Ke yo  
 mongwe wa bona.”

Oo, yo mongwe wa bona, yo mongwe wa bona;  
 Ke thakgetše kudu gore ke kgona go re, “Ke yo  
 mongwe wa bona.” (Haleluya!)

Yo mongwe wa bona, ke yo mongwe wa bona,  
 Ke thakgetše kudu gore ke kgona go re, “Ke yo  
 mongwe wa bona.”

<sup>215</sup> Le elelwa se mosetsana yo monnyane a se boletšego go Petro, “A ga o yo mongwe wa bona?” Ke thakgetše kudu, a ga o? Le a tseba, Petro o rile ka letšatši la Pentecost, “Wo ke Wola!” Bjale, ka mehla ke rile, “Ge wo e se Wola, ke thakgetše ke hweditše wo, ke letile go Wola go tla.” Yeo ke nnete. Ke thakgaletše wo.

Gobane ke yo mongwe wa bona, ke yo mongwe  
 wa bona;  
 Ke thakgetše kudu gore ke kgona go re, “Ke yo  
 mongwe wa bona.”

Oo, yo mongwe wa bona, yo mongwe wa bona;  
 Ke thakgetše kudu gore ke kgona go re, “Ke yo  
 mongwe wa bona.”

<sup>216</sup> Oo, a wo ga o makatše, re dutše mmogo mafelong a Legodimong ka go Kriste Jesu, re boledišana ka Moya, re boledišana godimo ga Lentšu, re bolela ka dilo tše botse tše di tlago. Go botse kudu. Ke thakgetše kudu go tseba seo, a ga le? A ga wa thakgala o Mokriste? A ga wa thakgala dibe tša gago di ka tlase ga Madi? O tla be a etla le lengwe la matšatši, gomme re tla be re eya le Yena. Gona nagana, botšofadi bjohle bo tla hlohlorega go rena; malwetši ohle, tlaišego yohle, bophelo bjohle bja go hwa bo tla fetoga. Oo, nna! Ke no nagana ka ga banešu ba kgale ba go ratega bao ba emego fa. Ke elelwa... Ke ba bakae ba elelwago Rabbi Lawson? Nna, bontši bohole ba lena. Ke kgona go mmona a lekeeditše lehlotlo lela la kgale thwi fa. Gomme ke tla be ke dutše morago fale. O tla opela pina ye nnyane ye... (Feela motsotsotso Teddy, ngwanešu.) Ke tla e leka, go bona ge eba nka kgona go hwetša tšhunu. Ga ke tsebe.

Gosasa gwa go thakgala go ntitile fale,  
 Moo dikeiti tša pheta di bulegago bophara,  
 Gomme ge ke putla moedi wo wa manyami,  
 Ke tla khutša godimo ga lehlakore le lengwe.

Letšatši le lengwe bokagodimo ga phihlelelo ya  
 boitemogelo bja lehu,  
 Letšatši le lengwe, Modimo feela o a tseba go  
 no re kae goba neng,  
 Mabilo a bophelo bja go hwa a tla ema tsi,  
 Gona ke tla ya go dula thabeng ya Tsione. (Ya.)

<sup>217</sup> Mabilo a mannyane a ao a retologago ka go rena— go bona, go latswa, go kgwatha, go dupa, go kwa, dikwi tše dinnyane tše le mabilo ao a retologago ka go bophelo bjo bja go hwa, letšatši le lengwe di tla ema tsi. Gona nna, nnamong, le wena, re tla ya go dula thabeng ya Tsione. Oo, ke rata seo, a ga o? Go tseba re ne tiišetšo yela ya go šegofala. Go lokile. Ke ba bakae ba tsebago pina ya rena ya go kolobetša ya kgale? Bjale, re tla fetola yeo. A re tšeeng pina ya rena ya go phatlalala:

Tšeа Leina la Jesu le wena,  
 Ngwana wa mahloko le madimabe;  
 Le tla go fa thabo le khomotšo,  
 Le tšeе gohole mo o yago.

<sup>218</sup> Tšeа Leina la Jesu le wena. Nno dira seo, ge le eya. Go lokile, bohle mmogo bjale. Le se lebale, ka iri ya seswai mosong dikarata tša thapelo di tla fiwa bakeng sa kopano. Kopano e tla thoma ka senyane masometharo. Ke tla ba ke rera ka lesome. Tirelo ya thapelo bakeng sa balwetši e tla thoma ka iri ya lesometee.

<sup>219</sup> Gosasa morago ga sekgalela, gosasa mantšiboa go tla ba molaetša wa boebangedi ka tabarenekeleng. Gomme gosasa bošego, bohle ba lena bao le sokologilego go dibe tša lena gomme le sa nka la kolobetšwa, go tla ba le...mogobe o tla be o butšwe; re tla be re kolobetša batho Leineng la Morena Jesu Kriste.

<sup>220</sup> Yo mongwe le yo mongwe mmogo bjale, ge re opela ka godimo ga segalontšu sa rena. Ngwanešu Busty, ga o tsebe ke thakgetše gakaakang le go leboga Modimo. Le a tseba, o ile godimo go ngaka. Gomme ba mpotša gore ngaka e mo lebeletše, gomme a no se tsebe se a ka go se nagana. Ga se a dumele ke mothaka wa go swana. Oo, ga se sephiri se Modimo a kago se dira. A seo ga se nnete? Go lokile.

Tšeа Leina (E lletše ntle!) la Jesu le wena,  
 Ngwana wa mahloko le madimabe;  
 Le tla go fa thabo le khomotšo,  
 Bjale, le tšeе mogohle o yago.

Leina le bohlokwa, (Leina le bohlokwa!), O le  
 bose bjang!  
 Kholofelo ya lefase le thabo ya Legodimo;

Leina le bohlokwa, (Oo, Leina le bohlokwa!) O  
le bose bjang!  
Kholofelo ya lefase le thabo ya Legodimo.

<sup>221</sup> Go lokile. Ke retollela tirelo bjale go modiša. O tla ba le  
mantšu a rilego, goba go bolelela yo mongwe go re phatlalatša, e  
ka ba eng e lego monaganong wa gagwe. 

*DIPOTŠIŠO LE DIKARABO GO MOYA WO MOKGETHWA* NST59-1219

(Questions and Answers on the Holy Ghost)

SERISI KA BOITSHWARO, TSHEPEDIŠO LE THUTO YA KEREKE

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mantšiboa, Desemere 19, 1959, Ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)